

新刊外科正宗

新刊外科正宗卷之二

上部疽毒門

崇川

陳實功毓

腦疽論第十六

夫腦疽者俗稱對口是也但所發不同其源有二得於溼熱交蒸從外感受者輕五臟蘊結從內發外者重其理何也溼熱之爲病天行氣候寒暑不調節序溫涼陰陽失度凡有體虛者易於侵襲項後雖屬督脉又主太陽寒水司行之道所有侵襲氣

血必凝凝則後必爲腫此從外感受者其患初起
有頭多生正穴三四日間多作焮痛始生寒熱口
和而乾色紅根活瘡勢漸高形不散大時止時疼
易膿易腐飲食知味起坐尋常外勢雖可畏而內
無七惡之症相于此屬陽症其由從外來矣故多
不治可愈所有五臟蘊結而成者重其源有五蓋
心主血故心緒煩擾煽動不寧以致火旺而沸騰
行於項間與寒水交滯而爲腫者一也肝統筋故

惱怒傷肝項乃三陽統筋之所肝傷則血脈不潮
筋無榮養凝結爲腫故項緊急強痛不能轉側其
患未潰前肉色紫暗堅硬漫腫破流血水木痛無
膿此等之症皆肝氣受傷者二也脾主肌肉故思
慮傷脾脾氣日損又或膏粱損胃胃汁乾枯以致
中脘痞塞氣不運行逆於肉裏乃生壅腫其患外
皮雖腐而內堅不潰口燥舌乾飲食不進根脚走
散膿穢色敗此等之症皆脾氣受傷者三也肺主

皮毛故憂鬱傷肺肺傷則毛竅閉塞腠理不通氣
不舒暢縱橫經絡結而爲腫其形瘡多平陷色淡
不華皮膚脂流形如湯潑氣竈短促鼻微鼻掀碌
碌生癢殷殷發嗽此等之症皆肺氣受傷者四也
腎主骨髓故恣慾傷腎腎傷則真陰之氣敗矣真
陰一敗相火自生此火最能自升自降或動或靜
煎熬臟腑消躁津液更變形容改換聲音瘡形紫
黑脉數乖度煩躁目乾隨飲隨渴此等之症皆腎

氣受傷者五也凡治此症必內分虛實外辨陰陽
體順天時察其病理七日以前瘡勢未成者當通
竅以汗發之七日已後病勢已成治當兼補以托
之此則毒不內攻外無變症如藥攻利太過元氣
受傷毒多難出又敷圍涼藥氣血凝則肌肉多
死反難腐潰予嘗治此及諸發背初起未成者用
披針當頂點入知痛處出其惡血通其瘡竅隨挿
蟾酥條直至瘡底外用膏蓋內服萬靈丹或蟾酥

允發其大汗解散內蘊之毒次日患上或腫或不
腫或痛或不痛仍插仍貼直至患頂腫高根脚突
起四圍列縫有膿方住插藥輕淺者九日後吐出
病根堅硬不化之物毒甚者不能頓然脫落亦可
漸腐成膿爲轉重就輕之良法外用玉紅膏長肉
內服補托收斂其患不久自愈如陽症輕淺者候
自腐潰不用前法針刺如不腫不疼灸亦不痛陰
症尤當速用不必遲延此爲移深居淺之大法也

腦疽看法

初起頂高根活色紅皮薄作疼焮熱腫不開散者順
已成無論偏正瘡形獻起疼痛發熱易膿易腐者順
已潰膿稠肉色紅活瘡腐易脫焮腫漸消痛減者順
潰後腐脫新肉便生瘡口漸斂凝結痂膿作癢者順
初生一點黃泡或似疣瘡不腫不疼自不知覺者逆
已成不發高腫亦不焮痛瘡頂軟陷根脚平散者逆
已潰膿清肉色紫黑外皮不腐内生臭穢不食者逆

腐肉雖盡新肉不生瘡口散大軟陷無神色敗者逆

腦疽治法

初起有頭或無頭大痛或不痛俱隔蒜灸兼服解毒
已成堅硬發熱焮痛口乾便秘者邪在內也宜泄之
堅腫不痛發熱惡寒頭疼四肢拘急者兼發表攻裏
腫硬日深形色紫黑外皮不腐肉膿不潰宜行拔法
腫強頭面焮熱口燥惡心嘔吐者邪在上也宜清之
焮熱腫痛紅色光亮瘡苦有時肉膿脹痛者急開之

將潰不潰微熱微紅不作腐潰者脾胃虛也宜補之
潰後腐肉不脫膿水清稀腫痛仍作者當大養氣血
大便多溏小便短濇自汗食少脉細身涼溫中健脾

腦疽治驗

一男人項疽十餘日視其瘡勢頗甚根連左右耳項
並腫紅赤焮熱脉浮而數先用黃連消毒散二服
退其大勢根脚稍定後用托裏消毒散數服不覺
腐潰但胗脉浮無力詢知患者年過五旬久艱嗣

息房中又有妾人多兼思慮勞慾大過損傷元氣
故也又瘡形勢大止能起發不能培養爲膿更用
十全大補湯加桔梗白芷倍人參白朮各三錢外
用桑木灸法早晚二次灸之又塗紫霞膏數日患
者頭面俱腫雙目合縫形狀可畏然後腐潰並作
膿出日至數升如此半月因前藥不勝其事內加
煩躁不寧五心煩熱飲食漸少等症此謂膿水出
多氣血走泄爲虛火假症之故雖變不妨隨用聖

愈湯一服不應又進一服加熟附子三錢方應前
症悉退次以人參養榮湯加麥冬五味參米常倍
至三錢調理月餘後至腦骨腐肉連髮片片脫下
其狀狼狽不可觀瞻凡相視者無不點頭驚訝又
恐腐潰深大補不及事每日粥食中用人參三錢
凡食分入同煮食之以接補脾元後方元氣漸醒
調理四月方愈彼後一年反生其子以承後祀也
一監生項瘡初起請視瘡頭偏於右半不可輕待必

用艾灸爲上隔蒜灸至十五壯知痛乃住後灸視
爲小恙失用內藥又四日其瘡復作頸腫項強紅
紫木痛便秘脉實有力以內疎黃連湯加玄明粉
二錢通其大便次用消毒救苦湯二服腫勢仍甚
此內毒外發也不可再消之換服托裏消毒散至
近二十日因患者肥甚外肉多緊不作腐潰予欲
行針開放彼家堅執強阻豈後變症一出煩悶昏
憤人事不醒彼方驚悔隨用拔針左右二邊併項

之中各開一竅內有膿腐處剪割寸許頑肉放出
內積瘀毒膿血不止碗許內服健脾胃養氣血托
膿補虛之藥其膿似泉流不歇每朝夕藥與食中
共參六七錢服至腐肉脫盡新肉已生又至四十
日外患者方得漸甦始知人事問其前由逕不知
其故也此患設若禁用針刀不加峻補豈有生乎
因其子在庠見識道理從信予言未百日而愈也
一男子項瘡五六日就肆看視頭便黃色根亦平散

予曰此當急治方可彼面色不悅而去又請里中
一醫視之乃曰小恙也因喜其說用藥又至五日
外其瘡勢堅硬根脚開大毒氣已過兩肩流注前
項胸乳皆腫嘔吐惡心寒熱不食瘡勢形色俱覺
可畏始信前言復請予治其瘡形狀不可觀也此
非藥力可及先用熬艾湯洗淨舊藥連煮藥筒拔
提二處拔出瘀血碗餘隨用銀針斜斜插入根脚
透通患底數處以蟾酥條插入孔內此最解毒爲

膿總以膏蓋走散處以真君妙貼散敷之自漸日
消其毒收歸後項原處又兼服內托降火化痰之
藥三四日候其大勢已退內膿已通換服十全大
補湯凡堅而不化者照之腐而不痛者取之新血
生遲者培之如此調理將近三月方得完口平復
此爲患者諱疾忌醫之過幾乎至於喪命者多矣
一女人年過六旬係宦族素稟怯弱項間患疽初起
頭便如栗謂裏可容谷之病也喜其形體不肥雖

發之後必易於腐潰此則不妨前說先用隔蒜灸
之次用蟾酥餅貼灸上四邊以吸毒散敷之收其
根脚不散內服托裏消毒散數服瘡勢堅硬疼痛
不止予曰到某日方止況今瘡不腐潰胗其脉細
數而無力此內虛之故不能解毒爲膿以疼爲要
豈可得止次換益氣養榮湯加角針白芷三服腫
亦漸起外用桑木灸法其堅漸軟膿出稠而不多
前方去角針白芷加香附倍用參芪又數服方得

膿潰潰後痛亦不止予曰再三日午後痛可止也
至期腐肉將脫小半臨午用乳香定痛散一服午
後疼痛頓退安睡不醒患家欣悅予曰不然此在
用藥適其時也雖半月之言應於今刻惟信則不
失耳後當某日腐盡某日肌平某日完口此二者
患家以墨繩記候期日果實並無過與不及也此
法要在眼力精巧量病難易新腐遲速補助有無
用藥合式然後相量日數可決於前發之必中也

一婦壯年項瘡三日其形徑對前項彼家相畏入牀
不當瘡發此穴也予視頂高脚活雖發不妨彼欲
內消之方安予曰藥消則不能針消則可取彼從
之用拔針當頂針入六七分點至軟肉方往隨去
瘀血又以蟾酥條插入孔內服蟾酥丸得大汗而
解次日瘡上微膿出之漸消光恐內毒未盡又用
消毒清熱之藥數服不出十日而安大抵凡欲消
瘡先斷根本次泄毒氣使毒自衰無得內攻爲妙

一男子耳後生疽十餘日自謂小恙不治將近半月
根脚漸大瘡頭惟流血水稀惡污穢四邊紫黑軟
陷無膿面慘鼻掀手冷氣促脉胗散大無根此內
敗症也何必治之辭不用藥又延客醫治之因詢
無事患者恨予不治凡遇親友勉力支持厲聲自
囑決不甘死予曰心不服死也再五日必死果然
予嘗觀瘡但犯此症雖山岳之軀一敗無不傾倒
一婦人正對口四五日自灸廿餘壯逕不知痛灸疤

焦黑平塌如故。胗之脉微數而無力。此內虛症也。若假藥力。則悞其事。用披針當頂刺入寸許。不知痛亦無血出。此毒滯而未發揚者。用蟾酥條插入針孔。每日一次。膏蓋其上。至七日後。周圍裂縫出膿。內服純補之藥。至十四日。落出瘡根一塊。指大長寸餘。後以玉紅膏平長肌肉。又半月。其口已平。以珍珠散摻上。卽刻生皮而愈。此症設若不用針工。專假藥力。攻托雖不至死。豈能得其速愈者哉。

一婦人四旬肥甚項瘡五六日視之肉腫瘡不腫必
竟生疑恐又兼口燥心煩堅硬色紫根脚散平六
脉洪大此大過症也後必無膿相辭不治彼又請
醫視之有言外托者又言內消者有稱年壯不妨
又說脉大易治衆人紛紛不定仍各用藥又至七
八日前後胸項俱腫木悶堅硬仍復請視決之予
曰此不治者何也初起肉腫瘡不腫頂陷者一也
根脚平散真氣內敗不能收束毒氣二也口燥心

煩邪火內淫三也形色紫暗血死毒滯不作腐潰
者四也六脉洪大瘡毒大盛正氣受尅無以抵當
故瘡終變軟陷邪毒內攻而死者五也當備後事
爲要此終於二十七朝前後足矣後果至期而歿
觀此言正順理之病可歎時人何爲紛紛妄治也

腦疽主治方

黃連救苦湯

黃連救苦湯升菖蒲
羌活防風銀絲草

柴胡等歸翹梗苓
腦疽煎服可安寧

治腦疽發鬚發頤及天行時毒初起增寒壯熱

頭面耳項俱腫服之未成者自消已成者自潰

黃連

升麻

葛根

柴胡

赤芍

川芎

歸尾

連翹

桔梗

黃芩

羌活

防風

金銀花

甘草節

各一錢

水二碗煎八分臨服入酒一杯食後服

解毒天漿散

解毒天漿石決明連翹羌活乳香迎

姜蚕山甲防風評銀花歸尾大黃行

治腦疽積毒日深堅腫木硬口燥舌乾惡心煩

渴六脉沉實有力大便閉結不通者並宜服之

石決明

研生

姜蠶

川山甲

炒土

防風

連翹

羌活

乳香

甘草

金銀花

黃連

歸尾

各一錢

大黃

三錢

天花粉

新鮮未晒者四兩石臼內搗爛投水一碗攪勻絞去渣用

右花粉淨汁半碗半同藥煎至八分入酒一杯

空心熱服行過三次方用飲食忌食煎炒發物

內托千金散

內托千金散內托千金散內托千金散

參白朮黃根甘草歸防桔桂花隨

治腦疽發背諸毒惡瘡已成不消者服之易潰

白芍

黃芪

川芎

當歸

防風

桔梗

天花粉

金銀花

人參

各一錢

肉桂

白芷

甘草

各五分

乳香

沒藥

二味痛甚加入

右水二碗煎八分臨服入酒一小杯食遠服

迴毒銀花散

迴毒銀花散最奇

癰疽陰毒總堪醫

治腦疽及諸發陰瘡不起色變紫黑者急服之

銀花甘草協黃芪

金銀花

連枝葉二兩

黃芪

四兩生切

葶草

一兩切

用細酒二十兩同藥入小口砂罐內密封重湯內煮盡三香爲度取起濾清服之蓋暖患上其瘡漸漸高腫此轉陰爲陽吉矣後用托藥潰膿如服後不痛不起瘡頭流出黑水此真陰不治

梅花五氣丹

梅花五氣丹輕粉還有粉霜雄血

此方原自出仙都乳沒派抄磨片研

治腦疽發背諸般疔腫初起寒熱交作筋骨疼痛有似傷風惡心嘔吐但未成膿者並宜服之

梅花片五分 當門麝五分 輕粉 辰砂各六分

乳香 沒藥 灰兒卵 明雄黃各一錢

真酥散 預於端午前尋之至午日取酥二錢用頭男乳調膏

右前藥各研極細對準分數於端午日辰時製度候至午時將上藥九味和入蟾酥膏內向日丸之如茄子大一時內晒乾用川椒二十七粒燈心二十七段同藥收於磁罐內養之以蠟封口不泄藥氣爲妙凡遇惡瘡大毒開器取出一

校先用美饌食飽次用無根水漱淨口內再含
水一口少頃待溫用葱白五寸同冰嚼爛嚥下
隨將藥餅安放舌下睡於暖處以被覆蓋藥化
苦水徐徐嚥之瘡勢大者二三餅亦可藥盡其
汗卽到如淋諸病若失如冬月天寒難汗噲後
將葱白湯催之亦妙凡治無有不効如暗疔人
所不知覺及知覺而失治者毒氣入裏人便昏
沉一中便倒不能依法服藥急用連鬚葱白七

個煎酒一盃研藥五餅灌下藥氣到心其功如
湯潑雪患者即便甦醒此爲外科第一奇方也

小保安湯

小保安湯歸藿苓
黃芪半夏麥冬陳
此枯人參併白朮
棗姜煎服作陽春

治腦疽諸發已潰流膿時平常服之庶不更變

當歸

茯苓

川芎

黃芪

麥門冬

陳皮

桔梗

人參

白朮

各一錢

半夏

甘草

藿香

各五分

姜三片棗二枚水二茶鍾煎八分食遠服

大保安湯

大保安湯木附歸 參苓芍葛桂山萸
黃芪山藥丹皮草 麥冬五味地黃隨

治腦項諸發癰疽惡瘡大毒已潰之後膿水出

多氣血虛弱精神短少飲食少思坐卧不寧煩

燥不眠晝則安靜夜則發熱及虛陽煩渴等症

白朮

當歸

人參

茯苓

川芎

白芍

山萸

黃芪

山藥

丹皮

熟地

五味子

各一錢

肉桂

甘草

麥門冬

熟附子

各五分

煨薑三片大棗二枚蓮肉七粒水煎食前後服

陽春酒

一盞陽春酒罕稀天冬杞朮地黃隨人參栢子歸遠志百補方中讓此醫

治腦疽諸發已潰流膿腐盡時脾胃虛弱肌肉生遲或氣血原不足以致肉色淡白不能長發收歛宜服此酒生長肌肉強健脾胃美悅顏色滋潤皮膚凡大瘡後飲此不惟却病亦且延壽

人參

片切

白朮

熟地

錢各五

當歸身

片切

天門冬

枸杞

錢各三

栢子仁

遠志

錢各二分

右土藥用絹袋寬貯以無灰好酒五斤磁罐內
浸至一伏時每早午晚各飲一杯熱服如夏月
天炎易壞不堪久服將藥分作五分每次用酒
一斤隨便浸服亦効如酒將完藥尚有味再添
酒浸飲之一次已後藥淡無味不必再浸用之
桑木灸法

治諸瘡毒堅而不潰潰而不腐新肉不生疼痛
不止用新桑木長七寸劈指大一頭燃着向患

上灸之火盡再換每次灸木五六條肉腐爲度
神妙拔根方治腦疽發背陰症初起不腫高不熾熱
灸不疼其病將來難果必致壞人十日以前用
披針當頂插入知痛處方止隨用蟾酥條插至
孔底每日二條膏蓋三日後加添插藥其根高
腫作疼外用神燈照法助陰爲陽插照七日其
瘡裂縫流膿至十三日其根自脫如日多根深
蒂固不能脫者披針取之內用玉紅膏不脫者

自脫不斂者自斂此法百人百活再無不愈者

腦疽應用方

隔蒜灸法

拔筒法

琥珀蠟礬丸

太乙膏

真君妙貼散

護心散 方俱見腫瘍門

蟾酥丸

蟾酥條 俱見疔瘡門

十全大補湯

人參養榮湯

乳香定痛散

聖愈湯 方俱見遺瘍門

疔瘡論第十七

人疔瘡者乃外科迅速之病也有朝發夕死隨發隨死有三日五日而不死一月半月而終死此在於毒中之淺深臟腑之乖逆節候之寒溫肅殺之瞬息畜類尸忤性情激變暴戾一時發生立判人之氣血虛者各隨臟腑而中之且如毒氣發於心經者生爲火焰疔其患多生脣口手掌指節間其發初生一點紅黃小泡抓動癢痛非常左右肢體麻

木重則寒熱交作頭暈眼花心煩發燥言語昏憤
此等出於心經之病也毒氣發於肝經者生爲紫
燕疔其患多生手足腰脇筋骨之間初生便作紫
泡次日破流血水三日後串筋爛骨疼痛苦楚重
則眼紅目昧指甲純青舌強神昏睡語驚惕此等
出於肝經之病也毒氣發於脾經者生爲黃鼓疔
其發初生黃泡光亮明潤四邊紅色纏繞其患初
生口角腮顴眼胞上下及太陽正面之處發之便

作麻癢縑急硬強重則惡心嘔吐肢體木痛寒熱
交作煩渴乾噦此等出於脾經之病也毒氣發於
肺經者生爲白刃疔其發初生白泡頂硬根突破
流脂水癢痛驟然易腐易陷重則腮損咽焦毛聳
肌熱咳吐膿痰鼻掀氣急此等出於肺經之病也
毒氣發於腎經者生爲黑靨疔其患多生耳竅胸
腹腰腎偏僻軟肉之間其發初生黑斑紫泡毒串
皮膚漸攻肌肉頑硬如疔痛徹骨髓重則手足青

紫驚悸沉困軟陷孔深目睛透露此等出於腎經之病也以上五疔相應五臟又紅絲疔起於手掌節間初起形似小瘡漸發紅絲上攻手膊令人多作寒熱甚則惡心嘔吐遲者紅絲至心常能壞人用針於紅絲盡處挑斷出血尋至初起瘡上挑破俱用蟾酥條插入膏蓋內服汗藥散之自愈凡治此症貴在乎早初起卽治者十全十活稍遲者十全五六失治者十全一二初起項以上者三陽受

毒必用披針刺入瘡心四五分挑斷疔根令出惡
血隨用回疔丹或蟾酥條插入孔內膏蓋之如項
之以下者三陰受毒卽當艾灸灸之不痛亦須針
刺插藥方効隨後俱用蟾酥丸冬月萬靈丹發其
大汗毒方得解庶不稽留毒氣致生變症今人治
法不論陰陽表裏部位上下凡見是瘡便加艾灸
殊不知頭乃諸陽之首亢陽熱極所致其形雖小
其惡甚大再加艾灸火益其勢逼毒內攻反爲倒

陷走黃之症作矣既作之後頭面耳項俱能發腫
形如尸胖七惡頓起治雖有法百中難保一二外
又有疔名數種形狀紛紛故有舊說未及重錄也
疔瘡看法

初起如疥形如粉刺或小泡或疔瘡結腫不散者順
瘡腫不作寒熱亦不惡心飲食有味手足溫暖者順
形已成瘡腫肉不腫四圍白色多痛少癢作膿者順
已潰出膿瘡仍高腫肉色鮮明根內紅活漸平者順

初起似疔非疔軟慢灰色四邊瘡根平塌漫腫者凶
未發前先作寒熱如瘧惡心不食後出瘡如蚊跡蚤
斑或青紫黑泡軟陷無根腐爛深孔氣穢足冷者逆
瘡形似魚臍頂凹灰白軟慢相兼脉細身冷者多逆
已成肉腫瘡不腫根脚走散瘡頂空腐血水氣穢死
凡疔項之以上針刺不疼項之以下灸之不痛俱死
已經走散頭面耳項俱腫煩躁脉細痰動喘急者死
日久原瘡無跡走散之處仍復作膿脉數唇焦終死

病雖險惡歲運順者可活瘡雖微險歲運逆者常危
疔瘡治法

初生頂之以上者必先針刺以去惡血庶毒不攻內
初發頂之以下者必先艾灸以殺其勢庶不侵良肉
發熱惡寒身體拘急六脈緊數邪在表也宜汗散之
身體發熱口燥咽乾脉實有力二便秘澀者宜下之
針刺之後瘡不作腐邊腫不消仍加搗藥內亦補托
初起候灸致毒走黃未住者急當隨走處砭去惡血

發熱乾嘔心煩作渴悶亂神昏解毒清心托裏護膜
潰後氣血受傷神怯食少睡臥不寧助脾胃歛神氣
將愈後氣血漸復飲食當進仍作渴者急滋養腎水
疥瘡治驗

一監生右顴下生疥三日形如魚目詢問起居但今
麻癢不常此卽肺經受毒之症也用針刺入四五
分其硬如骨有聲隨用蟾酥條插至三日猶不腐
化此堅頑結聚之病也此藥力不及其事換用三

品一條鎗插至七日外用糊紙封蓋至十一日脫
出疔根一塊約有指許以長肉玉紅膏漸搽漸長
先服托裏消毒散加金銀花二錢白芷五分脫後
用八珍湯加天花粉麥門冬黃芪陳皮各一錢調
理月餘候瘡生肉已平用珍珠散膠上結皮而愈
一監生中年妻喪繼娶幼室乃嬌態人也自服補腎
助陽之藥以致腎水受傷不能上制心火左癲發
生一泡先紫後黑麻木不知痛痒凡黑者腎經之

毒也其毒豈淺且喜瘡之四邊尚未走散此猶可
取隨用針刺疔上量別藥不濟其事用冰蠅散厚
糊作條插入患孔用糊紙密封勿令泄氣朝服加
減八味丸以滋腎水午服益氣養榮湯按補真氣
以滋不足晚用琥珀蠟礬丸護心解毒候至十一
日外疔根與藥結成一塊依期脫落次用生肌歛
口補助調理脾胃之劑二十日而愈後因此公不
慎調理失於保節幾及三年復成虛損勞瘵而歿

一婦人年近四旬夫主不利愁鬱種種抱懷不散時
值季夏歲荒之極腮發一疔六日後方延予視其
時疔毒已經走散頭目脣項俱腫形色紫赤予曰
肉腫瘡不腫乃疔毒走黃不治之症彼婦流涕歎
曰一家皆絕也予問曰何其如此婦又曰吾夫乃
不肖之人婦有一女二子俱未適配設若婦死寄
托於夫子女日後必爲流蕩輩也故婦在一家生
婦逝一家死自然之理予時聞之沉吟不已如此

何以得生不忍棄治況此瘡勢大又非藥力可回
思之當先僱一貧人以飯食飽再用火酒數杯隨
用針刺腫上十餘處令彼噙吸惡血數碗將溫湯
洗淨用蟾酥錠磨濃塗之四圍敷金黃散早晚二
次內以護心散蠟礬丸清心護裏兼服降火化痰
開鬱安神之藥調治庶保不變吸血之後餘腫稍
退又至六日夫又對言何其不死彼婦相聞甚苦
暴怒之極仍又復腫比前尤甚也復用針刺腫甚

上約十餘處出血三四碗針孔止小膏蓋貼餘腫
仍敷其人出血多而其內必虛以人參養榮湯加
香附貝母服數日後針口漸膿餘腫漸消原瘡處
復得高腫仍用蟾酥條插化亦漸腐潰外用生肌
斂口內服開鬱和中養血健脾等劑調理百日外
方愈此病設若相論瘡勢形色者百無一生之理
此功出於強勉行之亦得其生者此婦愈後二子
一女俱以婚配其夫亦守其終見今已六旬半矣

一婦人二十二歲右耳垂向前一寸生疔三日請予
視之形有豆大頂陷灰色此肺經感毒發爲白刃
疔也又驗其根脚綿軟毒不結聚爲陷伏陰症也
未及針刺伊舅曰何恙也予直告曰疔瘡症彼聽
冷笑不信是言也予因辭不用藥隨其信否彼復
請客醫治之視曰風熱疔瘡乃小恙也彼家告以
某醫曾曰是疔瘡醫者點頭而笑曰此真胡說患
家喜悅天下事大相懸絕醫用消風散藥二服毒

氣全收隨發昏憤喘急而卽死後里中人詢問何速之甚彼初時因不信予言自悞其死真可惜也一年少婦顴下生疔疔瘡作痒予欲針之彼家不信辭後自灸次日四邊漸腫瘡漸軟陷又三日頭面大腫復請治之予觀原瘡灸上已結黑靨乾陷無膿此毒氣內陷外肉已死又面目浮腫光亮發熱形狀不堪此正氣衰而邪氣實也雖治亦不効後必終死彼家方悔自悞之說後延半月果然歸寢

疔瘡主治方

蟾酥丸

蟾酥丸効獨稱雄
銅綠蟾酥寒水腐

乳沒砂礬輕粉同
蝸牛又有用蜈蚣

治疔瘡發背腦疽乳癰附骨髀腿等疽一切惡
症及瘡不痛或麻木或嘔吐病重者必多昏憤
此藥服之不起發者卽發不痛者卽痛痛甚者
卽止昏憤者卽甦嘔吐者卽解未成者卽消已
成者卽潰真有回生之功乃惡症中至寶丹也

蟾酥

二錢
酒化輕粉五分

枯礬

寒水石煨

銅綠

乳香

沒藥

膽礬

麝香

各一錢

雄黃

二錢

蝸牛

二十個

硃砂

三錢

以上各爲末稱準於端午日午時在淨室中先將蝸牛研爛再同蟾酥和研稠粘方入各藥共搗極勻丸如菉豆大每服三丸用葱白五寸患者自嚼爛吐於男左女右手心包藥在內用無灰熱酒一茶鍾送下被蓋如人行五六里出汗爲効甚者再進一服修合時婦人雞犬等忌見

黃連解毒湯

黃連解毒湯黃柏

山梔甘草共連翹

治疔毒入心內熱口乾煩悶恍惚脉實者宜用

黃連

黃芩

黃柏

山梔

連翹

甘草

牛旁子

各等分

水二鍾燈心二十根煎八分不拘時服

立馬回疔丹

立馬回疔丹輕粉雄乳硃砂金頂等

煅礪蛇麝白丁香

治疔瘡初起已用針刺後又或誤灸失治以致

瘡毒走散不住乃疔走黃陰惡症也急用此插

蟾酥

酒化

礞砂

輕粉

白丁香

各錢

蜈蚣

一條炙

雄黃

硃砂

各二錢

乳香

六分

麝香

一字

金頂砒

五分註末卷

共為細末糊成麥子大凡遇疔瘡針破用此一

粒插入孔內膏蓋之次後追出膿血疔根為効

疔毒復生湯

疔毒復生湯牡蠣花粉銀花黃皂刺

山梔乳沒骨連翹木通牛子不相饒

治疔毒走黃頭面發腫毒氣肉攻煩悶欲死者

牡蠣

山梔

銀花

木通

連翹

牛蒡子

乳香

沒藥

角刺

花粉

大黃

地骨皮

各八分

水酒各一茶鍾煎一半食遠服不能飲者水煎

臨服入酒一杯和服亦効脉實便秘者加朴硝

七星劍

疥瘡最怕七星劍
麻黃地丁紫河車

野菊蒼耳
蕤薺半斬斷諸疥及人面

治十三種疥瘡初起增寒作熱惡心嘔吐肢體

麻木癢痛非常心煩作躁甚者昏憤急宜服之

野菊

嫩頭

蒼耳頭

蕤薺草

半枝蓮

地丁草

各三錢

麻黃

錢一

紫河車

錢二

用好酒一斤煎至一碗濾清熱服被蓋出汗為

度冬月無鮮草宜預採陰乾臨時煎服之亦効

鉛粉散

鉛粉散治冷疥瘡

麝香松脂及黃丹
輕粉黑鉛為黑粉 諸般陰爛可回陽

治冷疥生於脚上初起紫白泡疼痛徹骨漸至

腐爛深孔紫黑血水氣穢經久不瘥用此大効

黑鉛

此四兩鐵杓化開傾入水中取起再化如
此百遍以鉛盡為度去水澄下者三錢

松脂

錢一

黃丹

飛炒

輕粉

分五

麝香

分一

共研先用葱湯洗淨麻油調塗瘡口油紙蓋外

化疔內消散

化疔內消散山甲
甘草白芨紫河車

知母天花粉半夏
皂角銀花赤芍藥

治疔瘡初起或已針已灸之後服之能令內消

皂角針

金銀花

知母

貝母

天花粉

穿山甲

白芨

乳香

赤芍

半夏

甘草

紫河車

各一錢

水酒各一茶鍾煎一半量病上下食前後服之

東毒金箍散

東毒金箍散大黃
黃柏礬金輕荳粉

白欬白芨白芷當
敷圍諸毒不開張

治疔瘡針刺之後餘毒走散作腫宜此藥箍之

鬱金

蟬肚者

白芨

白欬

白芷

大黃

各四兩

黃栢

二兩

輕粉

五錢

菜豆粉

一兩

共爲細末酸米漿調箍四邊夏熱甚者蜜水調

解毒大青湯

解毒大青湯石膏麻梔木枯燒人糞

玄參知母麥冬饒加上人中黃更高

治疔瘡候灸逼毒入裏致生煩躁譫語不定者

玄參

桔梗

知母

大青藥

升麻

石膏

山梔

人中黃

麥門冬

木通

各一錢

大黃

便秘加

燒人參

問亂加

水二茶鍾淡竹葉燈心各二十件食遠服

消疔簡便方

消疔簡便方容易每服三錢溫酒下

葱白原來共白礬如湯發雪勝靈丹

治疔瘡及諸惡毒初起但未成膿者服之即効

白礬末

三錢

葱白

七莖

右二味同搗極爛分作七塊每塊用熱酒一杯送下服畢用厚被蓋之再喫葱白湯一鍾少頃汗出如淋從容去其覆物其病若脫此雖味澁

難服其効更妙凡居鄉村之處倘有緊病未及

請治只傳此方服之活人甚衆誠爲良便方也

太乙紫金丹

太乙紫金丹大戰雄鷹殊砂凡七品

效驗如神共千金諸瘡百症總通神

解諸毒療諸瘡利關竅通治百病此藥真能起

死回生製之濟人奇効不可盡述凡居家出入

與大工動大兵及問廣雲貴仕宦者不可無之

山茨菰

洗去毛皮淨焙二兩

川文蛤

一名五格子槌淨焙二兩

麝香

揀淨毛皮乾者研淨三錢

牙金子

一名續隨子仁白者去油一兩

紅芽大戟

杭州紫大戟爲上江南土大戟次之北方綿大戟色白者性烈峻利

反傷元氣弱人服之有致吐血慎之勿用取上品者去蘆根洗淨焙乾爲末一兩五錢整

硃砂

有神氣者研極細末三錢

雄黃

鮮紅大塊者研細末三錢

以上之藥各擇精品於淨室中製畢候端午七

夕重陽或天月德天醫黃道上吉之辰凡入室

合藥之人三日前俱宜齋沐更換新潔衣帽臨

日方入室中淨手薰香預立藥王牌位主人率

衆焚香拜禱事畢各將前藥七味復等稱準入

於大乳鉢內再研數百轉方入細石臼中漸加糯米濃飲調和軟硬得中方用杵搗千餘下極至光潤爲度每錠一錢每服一錠病勢重者連服二錠以取通利後用溫粥補之修合時除合藥潔淨之人餘諸忌見此藥惟在精誠潔淨爲効治一切飲食藥毒蠱毒瘴氣惡菌河豚中毒自死牛馬猪羊六畜等類之肉人誤食之必昏亂卒倒或生異形之症並用水磨灌服或吐或

瀉其人必甦南方山巒瘴氣烟霧癘疫最能傷
人感之纔覺意思不快惡寒惡熱欲嘔不嘔卽
磨一錠服之得吐利便愈癰疽發背對口疔瘡
天蛇無名腫毒蛙節紅絲等疔及楊梅瘡諸風
癰瘡新久痔瘡並用無灰淡酒磨服外用水磨
塗搽瘡上日夜數次覺癢而消陰陽二毒傷寒
心悶狂言亂語胸膈塞滯邪毒未出瘟疫煩亂
發狂喉閉喉風俱用薄荷湯待冷磨服赤白痢

疾肚腹瀉泄急痛霍亂絞腸沙及諸痰喘並用
薑湯磨服男子婦人急中顛邪渴叫奔走鬼交
鬼胎鬼氣鬼靨失心狂亂羊兒豬顛等風俱用
石菖蒲煎湯磨服中風中氣口眼歪斜牙關緊
急言語蹇澀筋脉攣縮骨節風腫遍身疼痛行
步艱辛諸風諸癰並用酒磨頓熱服下自縊溺
死驚死壓死鬼魅迷死但心頭微溫未冷者俱
用生薑續斷酒煎磨服一切惡蛇風犬毒蝎溪

潤諸惡等蟲傷人隨即發腫攻注遍身甚者毒
氣入裏昏悶呌命在須臾俱用酒磨灌下再
喫葱湯一碗被蓋出汗立甦新久瘧疾臨發時
東流水煎桃柳枝湯磨服小兒急慢驚風五疳
五痢脾病黃腫癰癤瘡瘤牙關緊閉並用薄荷
浸水磨濃加蜜服之仍搽腫上年歲幼者每錠
分作數服牙痛酒磨塗痛上仍含少許良久嚥
下小兒父母遺毒生下百日内皮塌爛斑穀道

眼眶損爛者俱用清水磨塗打撲傷損松節無
灰酒研服年深月近頭脹頭疼太陽痛極偏頭
風及時瘡愈後毒氣攻注腦門作脹者俱用葱
酒研服一錠仍磨塗太陽穴上婦女經水不通
紅花湯下凡遇天行疫症延街及巷相傳遍染
者用桃根湯磨濃搭入鼻孔次服少許任入病
家再不傳染又治傳尸勞瘵諸藥不能禁忌一
方士指家服此每早磨服一錠至三次後逐下

惡物尸蟲異形怪類後得脫利以此相傳活人不計其數一女子久患癆瘵爲屍蟲所噬磨服一錠片時吐下小蟲十餘條後服蘇合香丸其病頓失調理月餘而愈真濟世衛生之寶藥也

人參清神湯

人參清神湯
柴陳遠志黃連等

歸苓甘草麥冬宜
功效堪同地骨皮

治疔瘡潰膿後餘毒未盡五心煩躁精神恍惚不寧言語睡卧不清服之降火清心保扶元氣

人參

黃芪

當歸

白朮

麥門冬 陳皮 茯苓 地骨皮

遠志 各一錢 甘草 柴胡 黃連 各五分

水二茶鍾糯米一撮煎入分食遠服

內托安神散 內托安神散木芪 茯苓酸棗志陳皮 麥冬五味葛蒲草 加上人參玄又奇

治疥瘡針後已出膿時元氣虛弱睡卧驚悸心志不寧或毒未盡流入心竅致生健忘亦宜服

人參 茯苓 黃芪 白朮

麥門冬 玄參 陳皮 各一錢 酸棗仁

遠志

甘草

石菖蒲

五味子

各五分

水二鍾煎八分臨入硃砂末三分和勻食遠服
疔瘡應用方

蟾酥條

卽前蟾酥丸作條捏餅用之

琥珀蠟礬丸

玉紅膏

如意金黃散

護心散

托裏消毒散

見腫瘍門

八珍湯

益氣養榮湯

加減八味丸

人參養榮湯

見遺瘍門

珍珠散

下疳門

水蠅散

療瘰癧門

脫疽論第十八

夫脫疽者外腐而內壞也此因平昔厚味膏粱薰蒸
臟腑丹石補藥消爍腎水房勞過度氣竭精傷或
兼房術澀精弱道藥喻舌下化水直至丹田或納
臍中使熱徑投內腎爲丸掌握作香鼻息塗抹陰
鼎或搽陽器圖使堅銅希求常濟多致陽精煽惑
淫火猖狂其蘊蓄於臟腑者終成燥熱火症其毒

積於骨髓者終爲疽毒陰瘡誠爲巧人行拙誰防
禍起蕭牆智者多愚自謂喜從天降不顧後日也
骨枯髓涸臟敗腑亡方知今日罹殃有故解脫無
方凡患此者多生於手足故手足乃五臟枝幹瘡
之初生形如粟米頭便一點黃泡其皮猶如煮熟
紅棗黑氣侵漫相傳五指傳遍上至脚面其疼如
湯潑火燃其形則骨枯筋練其穢異香難解其命
仙方難活故謂血死心敗筋死肝敗肉死脾敗皮

死肺敗骨死腎敗此五敗者雖有靈丹竟喪命而
已是生此疾者死生付於度外孫真人曰在肉則
割在指則切卽此病也治之得早乘其未及延散
時用頭髮十餘根纏患指本節盡處遶扎十餘轉
漸漸緊之毋得毒氣攻延良肉隨用蟾酥餅放原
起粟米頭上加艾灸至肉枯瘡死爲度次日本指
盡黑方用利刀尋至本節縫中將患指徐順取下
血流不住用金刀如聖散止之餘腫以妙貼散敷

之次日倘有黑氣未盡單用蟾酥銚研末摻之膏
蓋黑氣自退患上生膿照常法用玉紅膏等藥生
肉護骨完口此爲吉兆內服滋腎水養氣血健脾
安神之劑若內無變症外無混雜此十中可保其
三四矣若割取之後黑色仍漫痛癰尤甚敗惡無
膿口乾舌硬精神不爽食不知味者終死凡治此
不可一已醫治必與高明衆議聽患者願情割取
況此症首尾吉凶變駁難定故不可輕易用之又

有形似而來非穴真而受異詳註在後宜參觀之
脫疽看法

起瘡不渴口潤舌和性志尋常無妄暴急循禮爲吉
初出形如麻子炊熱作痛一指皆腫根脚收束者吉
已成頭便作腐肉不紫黑疼痛有時膿出腫消者吉
已潰先膿後腐肉色紅活旁不走散氣不腥穢者吉
未瘡先渴喜冷無度昏瞢苦乾小便頻數陽痿者逆
初起形如粟米肉便紫色不腫刺疼黑氣延散者逆

已成瘡形枯鱉肉黑皮焦痛如刀割毒傳好指者逆
已潰肉枯筋腐血水臭汗疼苦應心零付徹骨者逆

脫疽治法

脫疽多生足指少生手指初起水窠黃泡者卽灸之
初生如粟裏可容谷皮色紫赤不作炊腫髮扎仍灸
已灸之後瘡受火氣發泡作膿外藥箍之內兼補托
毒勢已成瘡形稍陷但紫色未攻脚面者評議割取
旣割取之後血水淋漓疼痛不減和氣血補脾胃已

成飲食減少身體倦怠便數口乾滋津液壯腎水破
後氣血受傷脾胃虛弱自汗盜汗惡心乾嘔睡卧不
寧日晡發熱疼痛苦楚煩悶譫妄俱宜大補氣血富
貴及膏粱素饗色慾每淤房術縱恣日久禁行割法

脫疽治驗

一男子年近五旬右足小指初生如粟米漸成白泡
三日始痛請治頭已腐爛一指紫腫此脫疽也隨
用艾火明灸十三壯始大痛乃止又用針刺灸頂

以蟾酥餅貼灸上膏蓋本指腫上用披針擊刺七八處發泄毒血用蟾酥錠磨濃塗之腫外以真君妙貼散敷護良肉庶不外侵其時患者脉數身發寒熱惡心體倦先用人參敗毒散解其表症次用黃連內疎湯通其大便而惡心煩熱亦止又以托裏消毒散加金銀花牛膝數服早以八味丸晚用蠟礬丸相兼服之喜其火疎毒氣隨又針刺並泄其毒故不變作解毒爲膿腫方不散後用十全大

補湯加山萸五味麥冬等藥調理月餘而愈此疽
若不針灸發泄毒氣專假藥力敷留再加峻藥攻
利必致傷其元氣豈能保固毒不侵犯得安之理
一客商右足次指生一紫泡癢痛異常次日指甲俱
紫欲黑視之乃肝腎二經之毒彼曰何別也予曰
甲乃肝之餘氣甲紫則肝受毒也骨乃腎之餘腎
傷則骨黑此理甚明彼又曰何以致之予曰凡人
勞疲筋力傷於肝悞服熱藥傷於腎傍者曰情實

有此因彼久居客旅交結私妓情懷最密極力承奉但夜並服與陽和丸期許常至立交戲謔有此二年矣前言正中其病此勞力熱藥傷腎傷筋之實也其病尤險欲辭不治彼哀告客途欲得生返再三求治予又斟酌先取妓者頂髮十餘根撚線纏扎患指盡處隨將艾炷安於所扎上面紫色處排勻三處每灸七壯各放蟾酥餅膏蓋次後脹痛相忍不捨解去扎髮過夜一指皆黑相量筋骨皮

肉俱死仍用利刀順節取脫患指乃冰冷惡物預
煎甘草湯浸洗良久候瘀血稍盡以止血散揅之
次日灸上紫色不退恐其上延又以神燈照法照
之候血散皮縐旋合蟾酥丸料多加海羊研爛敷
之早晚二次腫不復作紫色變紅紅色潰膿外用
生肌止痛活血收斂之藥又熬參朮地黃膏朝服
接補真元午服健脾藥以回胃氣晚用金液丹以
解藥毒如此調理三月而愈後人問之用妓者頂

髮扎之何也予曰彼之頂髮乃心契之物也以髮
靠肉雖疼而不疼彼又如在目前此釋情之意也
一婦人中年肥胖生渴三載右手食指麻癢月餘後
節間生一小泡隨後本指漸腫疼脹不堪視之原
泡處已生黑斑半指已變紫黑此亢陽之極乃成
脫疽胗之脉洪大數而有力此與肥人相反如再
黑色上延壞人迅速詢問此婦先居富室無嗣每
縱膏粱架烘爐炭又兼多服種子熱藥中年喪夫

家業盡被嗣人侵費致久懷憂鬱後與寡母同棲
身軀寂寞此先富後貧所願不得又爲失榮症也
辭不可治彼婦母子再三哀懇予亦無之奈何乃
遵孫真人治法在肉則割在指則切此外無他彼
願從之先用人參養榮湯隨用軟絹條尺許纏裹
黑色盡處好肉節上以漸收緊扎之度不通行血
絡次用利刀放準依節切下將手隨浸甘草溫湯
中片時其血不挾多其疼亦不大甚患者曰惟心

之懼不知而下以神力之佑也予曰所嫌者切而
不痛此爲氣血筋骨俱死此物雖脫其症未可得
愈每以八味丸料加入參麥冬大劑煎服先救腎
水次扶脾胃間用金液戊土丹以解藥毒後三日
所扎指上漸漸放鬆以通血脉搽貼紅黑二膏生
肉止痛次後手背手掌日漸發腫勢惡之甚惟不
黑色此內毒已出之故仍用神燈照法兼以豬蹄
湯淋洗後又腫上皆出數頭流去膿血不計其許

兩月外方得原腫稍退膿穢稍減又以參朮膏入
參養榮湯兼服半年外方安其婦雖活五指失矣
一男僕冬月嚴寒主使赤足履地不敢移隨後血水
麻木次日十指俱紫又數日全變黑色麻木不痛
請視之強用辛熱散寒活血薰洗等藥終至不應
後必十指齊脫又延黑脚面骨節一段甚作疼痛
彼主恐脫疽也予曰似是而求非後必不妨令患
者常用桑木火灸之取其溫暖活血又能解散鬱

毒其患漸腐漸脫自不走散內服健脾養血之藥
調理外用生肌紅黑二膏培長肌肉百日外愈矣
一侍女年十二歲容貌頗通新主嫌其脚大用脚布
任意纏緊以線密縫其脚脹痛不堪訴主不聽至
半月後流出臭水方解視之其雙足前半段盡皆
黑腐請視之骨肉已死予曰此已壞者不能復活
只救將來未壞者可也先煮參粥食之次煎葱湯
令彼家侍婦將患足浸入湯內淋洗再換湯浸但

腐肉不痛者逐一剪割連續知痛者又以花蕊石散搽之保將患者復其生已壞者得其脫內服補中益氣湯接其勞外搽生肌玉紅膏長其肉後雖得愈但二者俱致疲疾終身此爲穴真而受異也一男人右足小指縫中初生一點黃粟泡皮肉隨變紫色陰疼不腫常如刀刺視其形色真脫疽也診其脉又得細數無力此腎經傷敗症也但患者生平大飲內有正副三人此必精力已竭縱治無功

予強辭之後必延至脚面足底皆穿痛徹不已又
飲食日少氣血日衰形體日削兩月後面苦而終

脫疽主治方

解毒濟生湯

解毒濟生湯草芎
知柏紅花併遠志

花粉柴苓歸茯苓
犀角升麻牛膝同

治脫疽初起惡寒體倦發熱作渴或腫或紫或
麻或痛四肢倦怠心志恍惚不寧者並宜服之

川芎

當歸

黃柏

知母

天花粉

金銀花

麥門冬

遠志。

柴胡 黃芩 犀角 茯神 各一錢

升麻 手指加 牛膝 足指加

水二鐘煎八分臨服入童便一杯隨病上下服

陰陽二氣丹 陰陽二氣麥天冬 片栢玄參青黛同

治脫疽久服丹石補藥致虧腎水多成口燥咽

乾至飲永雪不知其冷此孤陽獨旺宜服此解

天門冬 搗膏 麥門冬 搗膏 五味子 砂研 黃栢

人中白 小兒溺者 生用研 玄參 湯泡去麤皮 搗膏各一兩

青黛

色嬌嫩者

甘草

枯礬

辰砂

為衣

澤瀉

各三錢

冰片

一錢

各為細末同玄參二冬膏子加煉蜜少許再搗
千餘下軟硬得中丸如桐子大每服六十九童
便乳汁各一鍾空心送下安睡一時其功如神

清神散

清神散內用硃砂解毒共於甘草節

荳粉梅花冰片佳諸瘡煩嘔自無他

治脫疽疔瘡發背毒積甚者腠理發越不盡多
致煩躁悶亂睡則譫言嘔吐不食者並宜服之

甘草節

錢五

真豆粉

兩一

大硃砂

錢三

梅花片

分五

牛黃

分三

右為細末每服一錢淡竹葉燈心湯調服

雌雄霹靂火

雌雄霹靂火純陽
陰毒陰疽陰發背

斬艾雙黃丁麝香
逢之一灸自回陽

治脫疽及一切發背初起不疼痛者並宜灸之

艾茸

錢二

丁香

雌黃

雄黃

各二分

麝香

錢一

右下四味共研極細搓入艾中作安豆大九放

於患上灸之毋論痛痒以肉焦爲度如毒已經走散就紅暈盡處排炷灸之痛則至痒痒則至痛爲妙灸後仍用提疔麥子貼上膏蓋次服蟾酥丸及解毒濟生湯兼治轉回活色有膿爲妙

金液戊土丹

金液戊土丹五味砂雄硝石烏梅等

牛黃神志石菖蒲片射人中黃不殊

治脫疽及疔瘡發背縱食膏粱厚味法酒又或丹石補藥勉力房勞多致積毒臟腑人則胃汁中乾腎水枯竭不能上制心火以致消渴消中

消腎饒飲多乾能食多瘦九竅不通驚悸健忘
此症若出後必發疽多難治療宜預服此亦可
轉重就輕移深就淺又解五金八石之毒藥也

人中黃

法在
求卷

烏梅肉

扶神

胡黃連

五味子

各一
兩

石菖蒲

辰砂

雄黃

遠志

硝石

各三
錢

牛黃

冰片

各一
錢

金箔

二十
爲衣

各爲淨末配準前數共入乳鉢內再研小轉於

端午七夕或二至二分吉辰在淨室中先將烏
梅地黃二膏搗極爛和藥漸加煉蜜少許徐徐
添搗軟硬得中每藥一兩分作十丸金箔爲衣
每服一九用人乳童便共一大杯化藥隨病上
下食前後服之此藥最解膏粱金石藥毒殺三
尸除勞熱極有奇功又治煩顛主安神志辟瘴
辟瘟及諸邪魅譫語妄情失心喪志者俱効修
合之時服藥之際俱忌婦人僧尼孝服雞犬等

見之此藥用蠟封固收藏不泄藥味愈久愈効

脫疽應用方

針刺法

蠟礬丸

蟾酥餅

蟾酥丸

見疔瘡門

神燈照法

太乙膏

真君妙貼散

肉疎黃連湯

猪蹄湯

玉紅膏

托裏消毒散

見腫瘍門

十全大補湯

參木地黃膏

人參養榮湯

補中益氣湯

加減八味丸

見潰瘍門

桑木灸法

見諸疽門

人參敗毒散

見時毒門

花蕊石散

見金瘡門

療癰論第十九

夫療癰者有風毒熱毒氣毒之異又有療癰筋癰痰癰之殊風毒者外受風寒縛於經絡其患先寒後熱結核浮腫熱毒者天時亢熱暑中三陽或內食

膏粱厚味釀結成患色紅微熱結核堅腫氣毒者
四時殺厲之氣感冒而成其患耳項胸腋驟成腫
塊令人寒熱頭眩項強作痛瘰癧者累累如貫珠
連接三五枚此不足寒熱其患得於悞食蟲蟻鼠
殘不潔之物又或汗液宿茶陳水混入而塗其患
先小後大初不覺疼久方知痛筋癰者憂愁思慮
暴怒傷肝蓋肝主筋故令筋縮結蓄成核生於項
側筋間形如棋子堅硬大小不一或陷或突久則

虛羸多生寒熱勞怒則甚痰癰者飲食冷熱不調
饑飽喜怒不常多致脾氣不能傳運遂成痰結初
起如梅如李生及遍身久則微紅後必潰破易於
收斂凡觀此症別其風毒者散其風除其溼如防
風解毒湯之類是也熱毒者清其脾瀉其熱連翹
消毒飲之類是也氣毒者調其血和其氣藿香正
氣散之類是也瘰癧者散其堅和其血散腫潰堅
湯之類是也筋癰者清其肝解其鬱柴胡清肝湯

之類是也痰癰者豁其痰行其氣芩連瀉陳湯之類是也又有寡婦尼僧鰥夫庶妾志不得發思不得遂積想在心過傷精力此勞中所得者往往有之最爲難治有此先養心血次開鬱結益腎安神疎肝快膈如歸脾湯益氣養榮湯俱加香附青皮山梔貝母木香之類是也又男人不宜太陽青筋潮熱咳嗽自汗盜汗女人不宜服肉紅絲經閉骨蒸五心煩熱男婦有此後必變爲癆瘵難治之症

但此體實者初起可服散腫潰堅攻利之藥得効者十中三四有不察虛實盡劑追伐損傷元氣致成壞病者十有八九此非患者之命自出醫人之手予常治初起成核服前藥未効者用針刺核內深入三四分用米螯散撚成條子插入核內糊紙封上待至二七後核子自然落出隨用紅黑二膏搽貼內服補劑不久便愈又常見斑毛牽牛巴霜大黃追蝕等用往往致其危亡者多矣切宜戒之

瘰癧看法

初起核高腫痛色紅軟活微作寒熱肩項不强者湯
已成根不堅硬肉無小核相叢脾健氣血不衰者湯
已潰膿稠肉色紅活核腫漸消肩項自便漸斂者順
潰後易消易斂氣體平和胸膈寬利飲食知味者順
未成形體消瘦寒熱往來結核頑硬痰嗽相兼者險
已成核堅連續如珠大小不等項強筋急脉虛者險
已潰膿水清稀肌肉消鑠自汗盜汗寒熱不睡者逆

潰後陰虛煩燥作渴泄秘男子骨蒸女人經閉俱逆

癰瘰治法

初起腫痛增寒壯熱四肢拘急項強頭眩者表散之
腫硬發熱便秘口乾胃膈不利惡心脉實者宜利之
膏粱厚味醇酒積熱濕痰凝結而成化痰降火清中
憂思過度鬱怒傷肝筋縮結核者宜養血開鬱疎肝
房慾勞傷陰虛肺熱自汗咳嗽形消瘦者滋腎健脾
失利忘名懷抱鬱結積想在心所如不得乖隔陰陽

虛嗽歲月所得此者精血俱傷先養正氣次治標病
堅而不潰腐而潰之潰而不斂補而斂之皆活法也

療癰治驗

一男人項核腫痛拘急惡寒用荊防敗毒散二劑表
症悉退餘核不消用散腫潰堅湯加川芎香附貝
母十餘服其核漸消外以琥珀膏貼之月餘而安
一男人仲冬渡江暴發霧氣又值驚恐次日寒熱交
作頭面耳項俱腫先以藿香正氣散二服寒熱亦

止面腫漸消惟項間堅腫不退紅焮作痛此毒聚
必欲作膿仍用正氣散加芩歸皂刺數服候膿熟
針之腫痛頓退又以十全大補湯脾健肌生完口
一婦人孀居六載于幼未立憂鬱成核半年又兼經
水不調寒熱交作形體消瘦脉亦弦數此勞傷氣
血肝火妄動而成斯疾也所謂損者益之不可用
追蝕之藥損而復損先用逍遙散加香附牡丹皮
貝母和其血脉和其肝氣使寒熱盡退次用益氣

養榮湯服至月餘氣血漸復經事漸調元氣漸醒
外用火針核上點破四孔用黃線藥插入五六次
候至孔大換用冰蠟散搽於核上封之至十三日
外其核自落外搽紅膏生肌收斂內換人參養榮
湯加香附木香三十餘服其口自完此婦慎起居
同七情戒口味盡調理故可得愈否則必不能矣
一室女年十七因父擇婿不遂就至三旬懷抱日久
項生數核堅硬如石此肝經凝結筋縮之病也又

兼經水斷絕寒熱如瘧咳嗽脉數惟不顙紅此陰
虛火動已成勞瘵症也非藥能愈視其形狀喜無
敗色予曰欲治此病先治其心猶可父問曰何藥
治心予曰非藥也易云天地氤氲萬物化醇男女
媾精萬物化生此天地男女生成化育之道也斯
病獨起於孤陰寡陽不生不化所謂逆理之病此
女大失配謂當至而不至漸成失度之疾其病不
生而自生非已作也由時變也故藥不能挽回必

得陰陽和而雨澤降夫婦和而家道成斯時之後
用藥方可彼父始悟隨即擇嫁三月後復請視之
前症稍定先用逍遙散加香附青皮山梔丹皮貝
母十餘劑開鬱疎肝寒熱漸止次以人參養榮湯
加丹皮紅花通其血脈使心血易生容顏稍澤又
用益氣養榮湯倍參朮補助脾胃增進飲食間用
歸脾湯加麥冬五味遠志沙參收斂神氣寬慰性
情又製參朮地黃膏服至半年精神頓復經事亦

通惟核不能全退用火針點破三核琥珀膏貼之
漸腐爲膿又兩月而得收斂餘腫三核漸針漸潰
漸斂首尾純用補脾開鬱藥調理一年始得全愈
一男子年近三十項生數核面白血勞皮癯脉數此
元氣受傷之症也先當補養氣血待根本壯實後
治其瘡隨用養榮健脾藥十餘劑未効彼以爲緩
又信方士所戒圖內消之自服斑貓巴麝之藥連
瀉十數行後致小便淋漓不已虛熱更增飲食減

少又復請視形色內敗不堪調理辭而不治後
方悔雖請內醫強投扶助降火之藥終不應而死
一婦壯年性急夫蕩不爲家左項生核半載漸至雞
卵大堅硬如石皮外紅絲纏遶左右脉俱弦數弦
屬肝火妄動數乃脾熱之甚先用梔子清肝湯平
伐肝木五服後而脉始平又以清肝解鬱湯數服
散其鬱結次用益氣養榮湯調其氣血間服散腫
潰堅湯軟其堅腫外以琥珀膏貼之調理百日而

元氣乃復堅硬已消八九止存小核未盡彼以爲
愈止不服藥後又一載值夫賭訟未勝暴急驚恐
前腫復作兩手脉胗細而多數此陰血虧損陽火
乘之非前有餘症也又兼胸膈不利飲食無味經
水先期過多形容憔悴不澤此神傷於思慮則肉
脫意傷於憂愁則肢廢魂傷於悲表則筋攣魄傷
於喜樂則皮槁志傷於暴怒則腰脊不能俛仰以
上俱七情內損症也法當滋養氣血調和脾胃益

腎清心開鬱散滯庶保無虞彼不肯信仍前欲服
散腫潰堅之藥欲灸腫上圖內消之予曰此非前
比今則不敢治也請客醫自製前藥亦灸患上併
灸肘尖此爲真氣虛而益虛邪氣實而益實後果
反加發熱自汗咳嗽項強四肢不收灸瘡無膿血
水不絕腫亦熾盛此臟腑已損之候必不久居也
又月後傳爲氣急聲啞痰血交出而殁予嘗見庸
醫不辨虛實患家不信正理偏費服藥往往多致

不救者十有八九凡醫者患者俱當省而慎戒之

瘰癧主治方

防風解毒湯

防風解毒湯荆桔薄荷枳壳芩蒼朮

牛子連翹草石膏知母燈心共豈逃

治風毒瘰癧寒暑不調勞傷湊襲多致手足少

陽分耳項結腫或外寒內熱痰凝氣滯者並効

防風

荆芥

桔梗

牛蒡子

連翹

甘草

石膏

薄荷

枳殼

川芎

蒼朮

知母

各一錢

水二鍾燈心二十根煎八分食後服

連翹消毒飲

連翹消毒飲陳皮
梔子葛射干花粉等

甘草玄參芍藥
紅花還與大黃隨

治熱毒瘰癧過食炙煇醇酒膏粱以致蘊熱臃

項成核或天行亢熱溼痰作腫不能轉側者效

連翹

陳皮

桔梗

玄參

黃芩

赤芍

當歸

山梔

葛根

射干

天花粉

紅花

各一錢

甘草

五分

大黃

初起便燥者加之

水二鍾煎八分食後服有痰者加竹茹一錢

加味藿香散

加味藿香散 甘桔 木苓 白芷 厚朴 芎

青陳柴蘇半夏 夏枯草 効君當說

治氣毒癰癰外受風邪內傷氣鬱以致頸項作
腫肩膊強痛四肢不舒寒熱如瘧及胸膈不利

藿香

甘草

桔梗

青皮

陳皮

柴胡

紫蘇

半夏

白朮

茯苓

白芷

厚朴

川芎

香附

夏枯草

各等分

薑三片棗二枚水二鍾煎八分食遠服。

滋榮散堅湯

滋陰散堅四物湯 甘桔參苓海粉當陳朮升麻香附貝 紅花昆布共煎膏

治一切癰癰憂抑所傷氣血不足形體瘦弱潮

熱咳嗽堅硬腫痛毋分新久但未穿潰者並効

川芎

當歸

白芍

熟地

陳皮

茯苓

桔梗

白朮

香附

各一錢

甘草

海粉

貝母

人參

昆布

各五分

升麻

紅花

各三分

水二鍾薑三片棗二枚煎八分食遠服身熱加
柴胡黃芩自汗盜汗去升麻倍人參黃芪飲食
無味加藿香砂仁食而不化加山楂麥芽胸膈
痞悶加澤瀉木香咳嗽痰氣不清加杏仁麥冬
口乾作渴加知母五味子睡卧不寧加黃柏遠
志棗仁驚悸健忘加茯神石菖蒲有汗惡寒加
薄荷半夏無汗惡寒加茅朮藿香女人經事不
調加玄胡索牡丹皮腹脹不寬加厚朴大腹皮

益氣養榮湯

益氣養榮湯木芪
芍药桔甘熟地

參苓陳貝附歸宜
勞傷瘰癧大堪題

治抑鬱或勞傷氣血或四肢頸項筋縮結成累

累如貫珠者謂之筋癰此患皆由思慮太過神

氣受傷乃勞中所得者也其患或軟或硬或赤

不赤或痛不痛或日晡發熱或潰而不斂者是

人參

茯苓

陳皮

貝母

香附

當歸

川芎

黃芪

熟地

白芍

各一

甘草

桔梗

各五

白木二錢

薑三片棗二枚水二鍾煎八分食遠服

如胸膈痞悶加枳殼木香

飲食不甘暫加厚朴蒼朮

往來寒熱加柴胡地骨皮

膿瀆作渴倍參芪歸朮

膿多或清倍當歸川芎

脇下痛或痞加青皮木香

肌肉生遲加白蘇肉桂

痰多加半夏橘紅

口乾加麥門冬五味子

發熱加柴胡黃芩

渴不止加知母赤小豆

膿不止倍加人參黃芪當歸

潰後反痛加熟附子沉香

虛煩不睡者倍人參熟地黃遠志棗仁

芩連二陳湯

芩連二陳湯半夏 其桔連知母枳苓 木香牛子夏枯草 消痰散熱効如神

治痰癰生於少陽部分項側結核外皮漫腫色

紅微熱或至缺盆高骨上下發腫形長堅硬作

痛名曰馬刀初起並宜服此已成氣弱者不宜

黃芩

黃連

陳皮

茯苓

半夏

其艸

桔梗

連翹

牛蒡子

花粉

名一錢

木香

三分

夏枯草

錢一

薑三片水二鍾煎八分食後服渣再煎臨睡服

散腫潰堅湯

散腫潰堅 芍藥 歸

升柴 胆草 葛根 昆布 其花粉 莫遠

治瘰癧馬刀癰堅硬如石或在耳下或至缺盆

或在肩上或至脇下皆手足少陽經症又發於

下頰或至頰車堅而不潰或已破流膿又屬足

陽明症也此治有餘症而効多不足症而効少

黃芩

八分

白芍

當歸

龍膽草

桔梗

知母

酒炒

黃柏

酒炒

昆布

天花粉

各五分

連翹

葛根

炙甘草

黃連

三稜

酒拌炒

廣木

各三分

柴胡

四分

升麻

三分

水二鍾煎八分食後服臨服入酒一小杯亦効

此藥可爲末煉蜜爲丸桐子大每服八十九卽

散腫潰堅丸治症同前臨睡食後俱白滾湯下

升麻散堅湯

升麻散堅湯甘草
葛根龍胆夏枯等

莢木三稜陳桔連
芎藭歸翹苓共煎

治療癰瘰頸或至頰車屬足陽明核深遠陷隱

曲肉底又屬足少陰俱作腫塊堅硬大小不

升麻

甘草

莪朮

三稜

陳皮

桔梗

黃連

龍膽草

葛根

川芎

白芍

夏枯草

連翹

黃芩

當歸

各五分

天花粉

有痰加

水二鍾煎八分食後熱服再用上藥加倍為末

蜜九棗豆大每百丸黃酒臨睡服頭不枕更妙

夏枯草湯

夏枯草湯歸朮陳

桔甘生地貝母苓
香附柴胡芷芍能
加上紅花効若神

治癰癰馬刀不問已潰未潰或已潰日久成漏

形體消瘦飲食不甘寒熱如瘧漸成勞瘵並効

夏枯草二錢 當歸三錢 白朮 茯苓

桔梗 陳皮 生地 柴胡

甘艸 貝母 香附 白芍各錢

白芷 紅花各三分

先用夏枯草水三碗煎至二碗濾清同藥煎至八分食後服將藥渣同前夏枯草渣共再煎六七分臨卧時入酒半小鍾和服宜食淡味物件

活血化堅湯

活血化堅湯補正
花粉銀花陳皮草

乳香歸貝芍桔
乳香天脂共成

治一切瘰癧及癰瘡痰核初起未潰膿者並効

防風

赤芍

歸尾

天花粉

金銀花

貝母

川芎

皂角刺

桔梗

各一錢

姜蚕

厚朴

五靈脂

陳皮

甘草

乳香

白芷

稍各五分

水二鍾煎八分隨服用酒一小杯食後服

逍遙散

逍遙散當歸芍藥
牡丹皮薄荷山草

白茯苓香附柴胡
雲片木女病思快

治婦人血虛五心煩熱肢體疼痛頭目昏重心
忡煩赤口燥咽乾發熱盜汗食少嗜卧及血熱
相搏月水不調臍腹作痛寒熱如瘧及治室女
血弱榮衛不調痰嗽潮熱肌體羸瘦漸成骨蒸

當歸

白芍

茯苓

白朮

柴胡

各一錢

香附

八分

丹皮

七分

甘草

六分

薄荷

黃芩

有熱加各五分

水二鍾煎八分食遠服有寒加姜三片棗二枚

通治瘰癧方

通治瘰癧瘡陳木
苓芷藿香夏枯草

柴枯芎歸白芍
并草半夏附相使

治瘰癧不分新久表裏虛實及諸痰結核並効

陳皮

白朮

柴胡

桔梗

川芎

當歸

白芍

連翹

茯苓

香附

醋炒

夏枯草

黃芩

各一錢

藿香

半夏

白芷

甘草

各五分

姜三片水二鍾煎八分入酒一小杯臨睡時服

芎歸養榮湯

芎歸養榮湯
五味淡神丹連志

參苓砂仁熟地黃
麥冬川芎其煎膏

治瘰癧流注及一切不足之症不作膿或不潰
或已潰不斂或身體發熱惡寒肌肉消瘦飲食
少思睡卧不寧盜汗自汗驚悸恍惚並皆治之

當歸身

錢二

人參

黃芪

白朮

川芎

白芍

熟地

錢各一

五味子

麥門冬

遠志

甘艸

茯苓

各五分

牡丹皮

砂仁

各三分

水二鍾姜三片棗二枚煎八分食遠服

冰蠅散

冰蠅散內用田螺 龍腦礪砂為細末 總將津拌患頭塗

治療癰日久堅核不消及服消藥不効者用此

點落癰核如馬刀根大面小及失榮等症忌用

大田螺

五枚去壳日中線穿晒乾

白砒

一錢二分 麝裹煨熟

冰片

一分

礪砂

二分

用晒乾螺肉切片同煨熟白砒礪為細末加礪

片再礪小礪密收凡用時先川艾炷灸核上七

壯次後灸瘡起泡以小針挑破將前藥一二臈

津唾調成餅貼灸頂上用綿紙以厚糊封貼核
上勿動泄氣七日後四邊裂縫再七日其核自
落換搽玉紅膏內服補藥兼助完口此藥又治
癰癤患大蒂小及諸般高突異形難狀者並効

紫霞膏

紫霞膏品不多般 銅綠松香一處攪
煎入麻油如紫漆 百般頑症貼當安

治療癰初起未成者貼之自消已成未潰者貼
之自潰已潰核存者貼之自脫及治諸色頑癬
臃瘡溼痰溼氣新久棒瘡疼痛不已者並用之

明淨松香

淨末一斤

銅綠

淨末二兩

用麻油四兩銅鍋內先熬數滾滴水不散方不
松香熬化次下銅綠熬至白烟將盡其膏已成
候片時傾入磁罐凡用時湯內頓化旋攤旋貼

琥珀膏

琥珀膏內桂防歸
丁木二香革麻子

松脂硃砂木鱉隨
木通白芷共相宜

治療癰及腋下初如梅子結腫硬強漸若連珠
不消不潰或潰膿水不絕經久不瘥漸成漏症

琥珀

一兩

木通

桂心

當歸

白芷

防風

松脂

硃砂

木鱉

防

革麻

肉各五錢

丁香

木香

各三錢

麻油

二斤二兩

黃丹

飛炒十兩四兩

先用琥珀丁香桂心硃砂木香爲細末其餘爲咀浸油內七日入鍋內慢火熬至羣藥焦黃爲度絹濾淨油徐下黃丹以柳枝手攪候至膏成滴入水中軟硬得中撥下鍋來以盆頓穩攪至煙盡方下羣藥攪勻磁器盛之臨取少許攤貼

大紅膏

大紅膏血 銀珠 硝石 樟冰 味不殊
輕粉 南星 併石 鑛 乳香 猫骨 効堪 壁

治療癰痰核結塊不分新久但未穿破者並効

南星

二兩

銀珠

血 鈎

硝石

朝腦

各三錢

輕粉

乳香

各二錢

猫頭骨

一具煨

石灰

一兩用大黃三錢切片同炒石灰紅色去大黃

右其爲細末陳米醋熬稠調藥敷核三日一換

敷後皮嫩微損者另換紫霞膏貼之其核自消

火針法

火針之法獨稱雄壯破核消痰立大功
燈草桐油相協力 常頭一點破凡籠

治療癰痰核生於項間初起堅硬或如梅李結聚不散宜用此法針之插藥易消用縫衣大針二條將竹筴頭劈開以針雙夾縫內相離一分許用線扎定先將桐油一盞用燈草六七根油內排勻點着將針燒紅用手指將核捏起用針當頂刺入四五分核大者再針數孔亦妙核內或痰或血隨卽流出候盡以膏蓋之次日針孔必漸作膿輕者用黃線藥插之核堅硬者用米

蠲散糊打成條曬乾插核針孔內外以糊紙重封固次日其核發腫作痛不妨乃藥氣攻入於內又至七日外自然核外裂開大縫再至七日其核自落慈湯洗淨孔大換用玉紅膏搽入外以膏蓋內服益氣養榮湯或十全大補湯加香附兼戒勞動氣惱房事發物煎炒海腥等件

三品一條鎗

三品一條鎗最靈加上乳香為線藥

雄雞砒信少人聞芥道癰漏盡承平

上品錠子去十八種痔中品錠子去五漏翻花

瘦瘤氣核下品錠子治癰癰疔瘡發背腦疽等
症此爲古之三品錠子但藥同而分兩不同治
病故有分別今註一條鎗本方三品以下之症
並皆用之俱各相應況又藥品簡易而不繁是
曰三品一條鎗之說也凡同志者隨試而用之
明礬二兩 白礬一兩五錢 雄黃二錢四分 乳香一錢二分
砒礬二味共爲細末入小罐內加炭火煨紅青
烟已盡旋起白烟片時約上下紅徹住火取礬

頓地上一宿取出約有砒礬淨末一兩加前雄
黃二錢四分乳香一錢二分共研極細厚糊調
稠搓成如線條陰乾凡遇前症有孔者縫入孔
內無孔者先用針放孔竅早晚插藥二次插至
三日後孔大者每插十餘條插至七日患孔藥
條滿足方住以後所患四邊自然裂開大縫共
至十四日前後其疔核瘰癧痔漏諸管自然落
下隨用湯洗搽上王紅膏虛者兼服健脾之藥

瘰癧酒藥方

治年久瘰癧結核串生滿項頑硬不穿破者服

崔鼠草

半斤

忍冬藤

六兩

野蓬蒿

四兩

野菊花

四兩

五爪龍

三兩

馬鞭草

一兩

五錢

上藥切碎用老酒十五斤袋貯藥懸於酒內封

口煮三香爲度取起水頓浸一伏時初服盡醉

出汗爲効已後隨便應之其酒一料病愈不發

瘰癧應用方

玉紅膏

太乙膏

見腫瘍門

柴胡清肝湯

梔子清肝湯

見癰疽門

荆防敗毒散

見時毒門

十全大補湯

見潰瘍門

歸脾湯

見痔瘡門

鬚疽論第二十

夫鬚疽者乃手少陽三焦相火妄動又兼腎水不能生水或外受風熱所感但此經多氣少血肌肉相薄凡有患最難腐潰此皆起於情性急暴房慾血

虛火動肝氣凝結而成癰之初起寒熱交作頭眩
痛徹太陽甚則耳目連鬚通腫治法不可妄用針
灸必分陰陽表裏邪正虛實治之庶不有悞且如
初見瘡時多寒少熱口乾作渴好飲熱湯六脉虛
數無力又兼患上堅硬多不歟痛無潰無膿瘡根
流散此等之症乃真氣虛而邪氣實也治以托裏
爲主消毒佐之如清肝養血湯托裏消毒散之類
是也又如見症時熱多寒少頭疼作痛口燥舌乾

渴欲飲冷二便秘澀六脉沉實有力瘡亦焮腫疼痛身體發熱易腐易膿根脚不開腫焮在外此乃正氣實而邪氣虛也治以消毒為主托裏佐之如梔子清肝湯鼠粘子湯之類是也大抵正氣勝則實邪氣勝則虛必然一勝則一負邪正不並立欲其虛而不待損而自虛矣又有未見瘡時先作渴症或一年半載日久目重然後發爲癰疽其形色多紫黑瘡多平陷堅硬無膿毒流耳項又兼氣味

不正形容不澤精神不明飲食不進者俱爲不治

贅疽看法

初起無口乾無寒熱飲食有味舉止尋常發瘡者順
已成瘡頭腫起根脚不散形色紅活掀痛潰膿者順
已潰膿稠色鮮紅活腫消痛止項便頭輕口和者順
潰後瘀肉易腐新肉易生瘡口易平飲食有味者順
初起瘡頭如粟頂軟不高色紫根散木痛食少者逆
已成瘡形紫黑軟陷無膿足冷身涼便利脉虛者逆

已潰膿水清稀多生臭穢壞肉不腐新肉不生者逆潰後飲食廢發身體發熱口乾不眠肉削皮焦者逆

癰疽治法

初起掀腫堅硬內熱口乾脉數有力邪實也當利之已成增寒壯熱四肢拘急脉浮者邪在表也宜散之亦腫作痛血凝滯也散血清肝色黯漫腫升陽助胃已潰堅腫不退脉細而數日晡發熱者宜滋陰健脾肝膽怒火上攻心煩作燥腮顴紅熱者宜抑陰降火

已潰膿清腫痛尤甚虛煩食少者宜養氣血健脾胃
潰後氣血俱虛身涼脉細大便多澹者宜峻補溫中
潰後不斂新肉生遲瘡口淡白膿水不止健中補脾

鬚疽治驗

一男子患此三日炊腫寒熱脉浮數以荆防敗毒散
一劑表症悉退腫痛仍作已欲作膿以托裏消毒
散膿潰又以益氣養榮湯加麥冬五味漸斂而愈
一男子患此五日頂高根若錢大形色紅活此肝經

溼熱爲患用麻子大艾灸七壯以梔子清肝湯二
服腫勢稍止以蟾酥餅膏貼灸土更以柴胡清肝
湯加白芷黃芪天花粉鼓服膿潰腫消半月收斂
一男子渴疾三年寒熱半月自以爲瘡贅間忽生一
小瘡三四日外形如粟瘡平堅硬色暗不澤又兼
脉洪數而無力此水竭火旺之症也終難潰斂辭
不敢治復請醫視爲易治用針刺腫上去紫血鍾
許內服解毒藥次日邊傍愈腫醫者謂腫高屬陽

易治彼家懽悅又三日腮頰俱腫口噤不食用針
又刺腫上目加昏憤又復請視予曰死將及矣但
此症未病先作渴腎水已竭外形如粟裏可容谷
形色紫黑氣敗血衰脉洪無力元氣內敗如此千
涉豈有不死者彼家方信晚矣共二十一日而歿
一男子腫焮五六日彼欲內消外敷涼藥內服大黃
泄氣等劑隨後焮腫雖退乃生寒熱惡心乾嘔肩
脾掌強胗之脉數無力此內虛毒氣入裏涼藥之

過也東垣云瘡疽之發受之有內外之別治之有
寒溫之異受之外者法當托裏以溫劑反用寒藥
攻利損傷脾胃多致內虛故外毒乘虛入裏受之
內者法當疎利以寒劑反用溫劑托裏初病則是
骨髓之毒誤用溫劑使毒上徹皮毛表裏通潰其
爲一瘡助邪爲毒苦楚百倍輕則變重重則死矣
前症旣出寒藥之過以托裏健胃湯二服嘔吐全
止又以十全大補湯加白芷數服而原瘡漸起又

以人參養榮湯間服腐潰膿稍兩月餘瘡口收斂
一婦人患此腫硬寒熱口乾喉痛脉洪大有力此表
裏俱實也以防風通聖散一劑行二次前症稍退
又一劑大行數次熱退渴止惟原瘡腫硬用銀針
點破插入蟾酥條內敷托裏消毒散漸潰膿而安
一男子患此三四日頂高根活且無表裏之症此肝
經溼熱爲患用針挑破瘡頂以蟾酥餅蓋貼內服
加味逍遙散加皂角針數服頭出微膿根腫亦消

鬢疽主治方

柴胡清肝湯

柴胡清肝芍藥歸黃芩梔子地黃歸防風牛子天花粉

治鬢疽初起未成者毋論陰陽表裏俱可服之

川芎

當歸

白芍

生地黃

柴胡

黃芩

山梔

天花粉

防風

牛蒡子

連翹

甘草節

各一錢

水二鍾煎八分食遠服

鼠粘子湯

鼠粘子湯其粘歸赤芍連翹地骨皮玄參麥冬天花粉敗風大黃不可遺

治瘡痕初起熱多寒少頭疼作痛口燥咽乾渴
常飲冷二便秘澀六脉沉實有力煩悶疼痛者

鼠粘子

桔梗

當歸

甘草梢

赤芍

連翹

玄參

地骨皮

防風

天花粉

木通

各一錢

大黃

炒二錢

水二鍾煎八分食前服渣再煎服

加味逍遙散

加味逍遙白朮苓
當歸杞貝天花粉

紅花丹芍柴胡陳
甘草羚羊角更奇

治瘡疽七日以上根盤深硬色紫焮痛者宜服

白朮

茯苓

牡丹皮

白芍

柴胡

陳皮

當歸

山梔

貝母

天花粉

各八分

甘草

紅花

羚羊角

各五分

水二鍾淡竹葉二十片煎八分食後服

梔子清肝湯

梔子清肝湯牛黃連珠草丹皮等

柴苓芍芍石當歸用水同煎一處煎

治少陽經虛肝火風熱上攻遂成癰疽痛連頸

項胸乳太陽等處或寒熱壯甚胸膈口苦舌乾

牛蒡子

柴胡

川芎

白芍

石膏

當歸

山梔

牡丹皮各一錢

黃芩

黃連

甘草各五分

水二鍾煎八分食後服

清肝解鬱湯

清肝解鬱湯歸芍人參半夏丹皮附

苓木梔柴貝母隨川芎熟地草陳皮

治暴怒傷肝憂思鬱結致肝火妄動發為贅疽

頭眩痛徹太陽胸膈痞連兩脇嘔酸水皆服之

當歸

白芍

茯苓

白朮

貝母

熟地

山梔

錢各一

半夏

人參

柴胡

丹皮

陳皮

香附

川芎

各六分

甘草

四分

水二鍾姜三片煎八分食遠服

參苓內托散

參苓內托散歸芪山藥熟地併官桂

芍苓陳皮白木隨附子甘丹地骨皮

治鬢疽已成堅而不潰潰而不斂氣血俱虛身

涼脉細飲食少思口淡無味及形體消瘦者服

歸身

黃芪

川芎

白芍

陳皮

白朮

山藥

熟地

茯苓

人參

各一錢

甘草

肉桂

熟附子

牡丹皮

地骨皮

各五分

姜三片 棗二枚 水二鍾 煎八分 食遠服

保安萬靈丹

見雞直門

治贅疽初起增寒壯熱頭眩惡心四肢拘急者

贅疽應用方

托裏消毒散

見腫瘍門

荆防敗毒散

見時疫門

蟾酥餅子

見疔瘡門

人參養榮湯

托裏建中湯

益氣養榮湯

十全大補湯

俱見癰疽潰瘍門

防風通聖散

見曉毒門

咽喉論第二十一

夫咽喉雖屬於肺然所致有不同者自由虛火實火之分緊喉慢喉之說又咽爲心肺肝腎呼吸之門飲食聲音吐納之道此關係一身害人迅速故曰走馬看咽喉不待少頃也假如虛火者色淡微腫

脉亦細微小便清白大便自利此因思慮過多中
氣不足脾氣不能中護虛火易至上炎此恙先從
咽嗑乾燥飲食妨碍咳吐痰涎呼吸不利斑生苔
蘚壘若蝦皮有如茅艸常刺喉中又如硬物嗑於
咽下嘔吐酸水噦出甜涎甚則舌上白胎唇生瘳
色聲音雌啞喘急多痰以上等症皆出於虛火元
氣不足中來治此不可悞投涼藥上午痛者屬氣
虛補中益氣湯加麥冬五味子牛子玄參午後痛

者屬陰虛四物湯加黃柏知母桔梗玄參如服不
効者必加姜附以爲引導之用亦爲佐治之法也
寔火者過飲醇酒縱食膏粱疊禱重衾舖食辛烈
多致熱積於中久則火動痰生發爲咽腫甚者風
痰上壅咽門閉塞少頃湯水不入聲音不出此爲
喉閉緊喉風是也用藥不及事先用針刺喉間發
泄毒血隨用桐油錢雞翎探吐稠痰務使痰毒出
盡咽門得鬆湯藥可入語聲得出乃止內服清咽

利膈湯疎利餘毒如牙閉緊閉難入必當先刺少
商出血其閉自開如針刺探吐無痰聲如拽鋸鼻
掀痰喘湯水不入語聲不出者真死候也又有喉
癰喉痺乳蛾上腭癰等症其患雖腫而咽門半塞
半開其病雖凶而喉道又寬又腫此皆標病雖重
無妨當用金鎖匙吐出痰涎利膈湯推動積熱膿
脹痛者開之損而痛者益之其患自安凡喉閉不
刺血喉風不倒痰喉癰不放膿喉痺乳蛾不針烙

此皆非法又有痰火勞瘦咳傷咽痛者無法可治

咽喉看法

初起紅色腫痛語聲清明亦無表裏之症相兼者輕
已成腫痛咽喉半閉半開咯吐痰涎飲食稍進者順
咽喉腫閉牙關緊急言語不清痰壅氣急聲小者險
咽喉驟閉痰涎壅塞口噤不開探吐不出聲喘者死
時瘡之後毒結咽間腫痛腐爛吐納不堪聲啞者重
久嗽痰火虛陽上攻咳傷咽痛但見聲嘶面紅者死

咽喉治法

初起腫痛寒熱交作頭疼拘急者邪在表也宜發散
初起腫痛發熱脉有力而便秘者邪在內也宜下之
腫痛寒熱口乾作渴脉洪大而有力者宜發表攻裏
咽喉腫痛痰涎壅塞甚而紅口乾邪在上也宜探吐之
痰閉痰涎壅塞氣急口噤難開先刺少商後行吐法
已成脹痛咽喉塗塞湯水不入膿已成也宜急針之
腫痛微紅脉虛無力午後痛者屬陰虛宜滋陰降火

癰痛色白咯吐多涎上午痛者屬陽虛宜補中健脾

咽喉治驗

一男子咽喉腫痛發寒體倦脉弦有力此邪在表以
荆防敗毒散加牛子玄參一劑表症已退腫痛仍
作又以玄參解毒湯二劑腫痛減半又二劑而安
一男子咽喉腫痛痰涎壅盛用金鎖匙先吐稠痰清
咽利膈湯推蕩積熱腫痛稍減惟色紅甚此火熱
也又以黃連解毒湯加桔梗二劑紅腫亦退而安

一男子素飲火酒一時咽喉腫閉口噤舌強痰涎壅塞勢頗危急用針先刺少商二穴口噤方開以桐油餞雞翎探吐稠痰數碗語聲方出仍用針刺腫上出紫血鍾許溫湯漱淨冰硼散搽之以涼膈散加芒硝天花粉利去積熱又以連翹散二劑而安一婦人肥甚暑熱咽間腫痛痰涎上壅語聲不出甚危先用針刺毒血次以金鎖匙吐去稠痰五六碗以清咽利膈湯一服腫痛少減去硝黃又服而安

一男子勞甚咽喉腫痛自服清咽利膈藥不應膠之
脉細而虛此勞傷虛火之症朝以補中益氣湯加
麥冬五味子桔梗玄參晚以四物湯加黃柏知母
炒黑乾薑服加童便不數日腫痛亦消疲回咽愈
一婦人咽痛微腫色白吐嚔不利脰之脉亦細微此
中氣不足虛火假症也用理中湯二服其寒頓止
又以補中益氣湯加炒黃柏知母數服再不復作
一男子腫痛日甚服清咽利膈藥不應必欲作膿以

防風通聖散去硝黃二服喉膿脹痛而下針便愈

咽喉主治方

清咽利膈湯

清咽利膈湯翹苓大黃牛子黃連等

北桔荆防梔薄荷銀

治積熱咽喉腫痛痰涎壅盛及乳蛾喉痺喉癰

重舌木舌或胸膈不利煩躁飲冷太便秘結等症

連翹

黃芩

甘草

桔梗

荆芥

防風

山梔

薄荷

金銀花

黃連

牛蒡子

玄參

各一錢

大黃

朴硝

各二錢

水二鍾煎八分食遠服

玄參解毒湯

玄參解毒湯梔子葛根生地黃芩

甘草黃芩桔梗竹葉燈心共得宜

治咽喉腫痛已經吐下飲食不利及餘腫不清

玄參

山梔

甘草

黃芩

桔梗

葛根

生地

荊芥

各一錢

水二鍾淡竹葉燈心各二十件煎八分食後服

連翹散

連翹散肉葛根荖門冬牛子併甘草

赤芍山梔桔梗升木通加上効如神

治積飲停痰蘊熱膈上以致咽喉腫痛胸膈不利咳吐痰涎舌乾口燥無表裏症相兼者服此

連翹

葛根

黃芩

赤芍

山梔

桔梗

升麻

麥門冬

牛蒡子

甘草

木通

各八分

水二鍾竹葉二十片煎八分食遠服

涼膈散

涼膈散中荆芥防

薄荷粉桔連大黃
玄參石膏牛蒡子貝母山梔總在藏

治咽喉腫痛痰涎壅甚膈間有火大便秘澀

防風

荊芥

桔梗

山梔

玄參

石膏

薄荷

黃連

天花粉

牛蒡子

貝母

大黃

各等分

水二鍾煎八分不拘時服

金鎖匙

金鎖匙中川焰硝
加上礬砂効更高

姜蚕片腦雄黃饒
咽喉腫閉即時消

治喉閉纏喉風痰涎壅塞口噤不開湯水不下

焰硝

一兩五錢

礬砂

五錢

片腦

一分

白姜蠶

一錢

雄黃

二錢

各另研爲末和勻以竹筒吹患處痰涎卽出如痰雖出腫痛仍不消急針患處去惡血服前藥

理中湯

理中湯內藥四般加上人參仔細看

甘草乾姜白朮攢虛陽之火立時安

治中氣不足虛火上攻以致咽間乾燥作痛吐嚔妨礙及脾胃不健食少作嘔肚腹陰疼等症

人參

錢一

甘草

炙八分

乾薑

炒黑五分

白朮

錢二

水二鍾煎八分食遠服

桐油錢

桐油錢分桐油錢探吐頑痰日照霜

治的喉風如神見回生起死真堪羨

治喉風喉閉其症先兩日胸膈氣急呼吸短促
驀然咽喉腫痛手足厥冷氣閉不通頃刻不治
先用溫湯半碗加入桐油三四匙攪勻用硬鷄
翎蘸油探入喉中連探四五次其痰壅出再探
再吐以人麴麴聲高爲度後服清咽利膈之藥

治喉烏龍散

烏龍散只一品藥
開關利膈効如神

十八人喉風總堪嚼
虛火定火要斟酌

歌 十八喉風各有名
檢原來總是一根因

曰 子孫代代宜珍惜
誓不輕傳與世人

用猪牙皂角七條去皮弦爲齏末水一鍾煎五分人人乳三匙冷服卽時非吐卽瀉治咽喉腫痛痰涎壅盛喉風喉癰乳蛾等症並効惟纏喉風牙關緊閉者不可與恐痰上出而口不開壅塞無路而出故也除此皆効又久病咽痛忌用

神効吹喉散

神効吹喉散薄荷白礬火硝黃連多

姜蚕青黛朴硝和加上硼砂病自瘥

治纏喉風閉塞及乳蛾喉痺重舌木舌等症効

薄荷

姜蚕

青黛

朴硝

白礬

火硝

黃連

礬砂

各五錢

上藥各爲細末臘月初一日取雄猪胆七八個
倒出胆汁用小半和上藥拌勻復灌胆殼以線
扎頭胆外用青缸紙包裹將地掘一孔濶深一
尺上用竹竿懸空橫弔上用板鋪用泥密蓋候
至立春日取出挂風處陰乾去胆皮青紙礬礬
密收每藥一兩加水片三分同研極細吹患上
神効歌曰此法端的通神聖萬兩黃金方不傳

少陰甘桔湯

加味甘桔湯黃芩
川芎升麻葱白靈

柴胡升麻玄參陳
少陰咽痛即安寧

治少陰咽痛頭眩脉沉細而身猶熱者宜服之

桔梗

二錢

甘艸

一錢

陳皮

川芎

黃芩

柴胡

玄參

各六分

羌活

升麻

各四分

水二鍾葱白一根煎八分不拘時服

清音喻化丸

清音喻化丸
阿膠知母生熟地

天麥歸苓黃柏
烏梅人乳續牛膝

治肺氣受傷聲音嘶啞或久嗽咳傷聲啞亦宜

訶子

真阿膠

天門冬

鹽水炒

知母

各五錢

麥門冬

去心

白茯苓

黃柏

蜜炙

當歸

生地

熟地

各一兩

人參

三錢

烏梅肉

十五錢

人乳

牛乳

梨汁

各一錢共熬稠膏

共為細末和入前膏加煉蜜搗成丸如鷄頭實

大每用一丸仰臥嚥化日用三丸如收作小丸

每服一錢訶子煎湯或蘿蔔湯送下亦可取効

治失音

暴失音方猪板油慢火煎至稠膏佳

再加白蜜兩相投每日三次忌用鹹

公豬板油一斤入鍋先煉成油濾去渣入白蜜
一斤再煉少頃絹濾淨磁器內冷定成膏不時
挑服一茶匙其音漸清無疾時亦可常服潤肺

噲化丸

噲化丸中用白礬
胆礬棗肉丸成就

礬砂牙皂共雄黃
吐嚔艱難第一方

治梅核氣乃痰氣結於喉中嚔之不下吐之不
出如毛草常刺作痒新則吐酸妨碍久成閉塞

膽礬

礬砂

明礬

牙皂

雄黃

各等分爲末紅棗煮爛取肉爲丸芡實大空心

喻化一九溫黃酒一杯過口內服蘇子降氣湯

蘇子降氣湯

蘇子降氣湯厚朴官桂相兼甘草用

陳皮半夏共前胡生薑爲引効堪圖

治虛陽上攻氣不升降致結患咽嗑痰涎壅塞

蘇子

一錢五分

厚朴

陳皮

半夏

前胡

官桂

各一錢

甘草

五分

水二鍾薑三片煎八分食遠服

水礪散

水礪散効實堪誇礪砂水片相兼佐

玄明粉再共礪砂喉口齒病無他

治咽喉口齒新久腫痛及久嗽痰火咽啞作痛

冰片五分 硃砂六分 玄明粉法注卷末 硼砂各五錢

共研極細末吹搽患上甚日四搽五六次最効

咽喉應用方

防風通聖散 荆防敗毒散見時毒門

補中益氣湯 四物湯見癰疽潰瘍門

黃連解毒湯見疔瘡門 少商穴在手掌外側去爪甲角二分是穴稜針刺血

時毒論第二十二

夫時毒者天行時氣之病也春當溫而反寒夏宜熱而反涼秋當涼而反熱冬宜寒而反溫此四時不正之氣感於人發成斯疾也自有陰陽表裏寒熱虛實分治初起與風寒相類惟頭面耳項發腫爲真其患旣得寒熱交作體強頭眩脉浮緊數者爲邪在表以荊防敗毒散或萬靈丹發汗以散之如兩目鼻面漸次傳腫者乃正陽明受病其患掀腫發熱便秘口乾多熱少寒脉數有力爲邪在裏五

利大黃湯四順清涼飲下之又頭角兩耳前後結
腫者乃手少陽經受之其患耳鳴筋痛寒熱嘔吐
口苦咽乾煩躁時甚當以知母石膏湯小柴胡湯
和之通用防風通聖散加牛子玄參解毒攻裏勞
役凶荒沿門閭巷傳染者普濟消毒飲藿香正氣
散以安之表裏俱解腫尚不消宜砭去惡血腫熱
甚者如意金黃散敷之微熱不紅堅硬者冲和膏
選而用之自後仍不消者必欲作膿宜托裏消毒

散加白芷皂角針托之已潰體倦食少者補中益
氣湯膿穢脾虛食而嘔吐者香砂六君子湯潰而
不斂者十全大補湯又有毒中三陽自項之以上
俱發腫者光如水色雙目合縫脣似猪形口角流
涎腫不消潰聲音不出飲食不入咽喉腫閉牙關
難開破流臭水穢氣連綿不絕者犯此俱爲不治

時毒看法

初起寒熱交作頭面一處作腫紅赤發熱疼痛者易

已成高腫發熱疼痛有時語聲清明湯藥易入者輕
已潰膿稠堅腫漸消疼痛漸減飲食漸進身溫者吉
潰後膿水漸止腫退肌寬神彩精寧睡臥安穩者順
初起多寒少熱頭面耳項俱腫光如水晶不熱者險
已成漫腫無頭牙關緊閉湯水不入聲音不出者逆
已潰膿水清稀氣味敗臭腫痛不除如尸發胖者死
潰後臭水淋漓腫不知痛手足多冷常出謔言者死

時毒治法

寒熱交作頭眩體痛六脉浮緊邪在表也宜汗散之
頭面赤腫作痛口燥咽乾大便秘實邪在裏也下之
外有寒熱內亦口乾脉弦有力表裏俱實發表攻裏
表裏俱解腫痛仍不消者乃瘀血凝滯宜砭去惡血
砭血之後腫痛仍作不消者已欲作膿宜托膿健脾
腫痛日多而脹痛者已有膿急針之更兼補托脾胃
潰後腫痛不減膿清腥穢脾胃弱也更宜溫中健脾
飢年時毒流行傳染者忌用攻發當和解宜養正氣

時毒治驗

一男子耳項腫痛發寒熱脉浮數以荊防敗毒散一劑寒退熱存又以連翹消毒飲一劑便行三次內熱頓退餘腫不消本方去大黃加川芎數劑而愈一男子先發寒熱次日頭面俱腫又二日口噤湯水不入脰之脉洪數而有力此表裏俱實也又咽喉妨碍湯藥難下先用針刺咽間去惡血鍾許牙關稍開以防風通聖散一劑徐徐服之便去三四次

腫上砭去惡血以金黃散敷之次日腫勢稍退又以普濟消毒飲二劑面腫漸消惟兩耳下堅腫不退此必作膿又以托裏消毒散敷服候膿熟而針之次以十全大補湯去肉桂加陳皮十餘劑而斂一男子牙根腫痛次傳腮項俱腫頗生寒熱此陽明溼熱上攻用荊防敗毒散加石膏一劑寒熱頓退惟腮腫不消以針刺牙根腫上出毒血以冰硼散搽之外敷真君妙貼散內服牛蒡子湯數服而愈

一男子冬月耳面赤腫發熱口乾脉洪實而便秘此
三陽蘊熱症也必捨時從症治之以五利大黃湯
一劑便行二次赤腫稍退內熱稍疎又以升麻解
毒湯二服腫亦消而病愈此爲用寒遠寒之意也
一婦人冬月面腫咽痛口噤難開脉胗洪數有力又
見房中煖氣如烘此因爐火盛也以黃連解毒湯
加玄參一劑次日腫消咽利又用二劑其疾痊矣
一男子勞甚鬢間腫硬肉色不變予曰勞傷氣血滯

痰凝滯之症與夫外感時毒不同又脰脉細數而無力爲內傷損病治當養氣血調經脉理勞績損治之彼欲內消自服仙方活命飲二服腫不覺消脾胃已損又請一醫乃行攻利復損臟腑數日後飲食不進便泄不止腫硬愈堅痰涎愈甚復請視之辭不可治予曰凡療理病有主末治有權宜此病初起肉色不變者血不足也堅硬不熱者脾胃弱也脉細數而無力正氣衰也豈可用前有餘之

藥以攻不足之病後又強投溫中補劑不應而死

時毒主治方

荆防敗毒散

荆防敗毒散人參
茯苓枳殼同甘草

羌獨前柴芎桔梗
寒甚加蔥止得名

治時毒初起頭眩惡寒腮項腫痛脉浮者服之

荆芥

防風

羌活

獨活

前胡

柴胡

川芎

桔梗

茯苓

枳殼

各一錢

甘草

人參

各五分

姜三片水二鍾煎八分食遠服寒甚加蔥三枝

五利大黃湯

五利大黃湯黃芩時毒欬腫大便秘

升麻梔子朴硝詳服之敢取即安寧

治時毒欬腫赤痛煩渴便秘脉實有力者服之

大黃

煨

黃芩

升麻

各二錢

芒硝

梔子

各二錢三分

水二鍾煎八分空心服未利者渣再煎服

連翹消毒飲

連翹消毒飲芎歸黃芩花粉桔梗草

赤芍牛蒡薄荷隨和殼升麻其所佐

治時毒表裏二症俱罷餘腫不消疼痛不退者

連翹

川芎

當歸

赤芍藥

牛蒡子

薄荷

黃芩

天花粉

甘草

枳殼

桔梗

各一錢

升麻

五分

水二鍾煎八分食後服便燥者加酒炒大黃

防風通聖散

防風通聖將軍芍

薄荷黃芩歸草朴硝

治時毒惡寒發熱煩躁口乾表裏脉症俱實者

防風

白芍

薄荷

川芎

桔梗

山梔

黃芩

白朮

當歸

連翹

荆芥

麻黃

滑石

石
詩

錢各

年
草

分五

芒硝

一錢五分

大黃

酒炒
錢炒

水二鍾煎八分空心溫服

普濟消毒飲

普濟消毒飲
柴胡 翹 藍 併 馬 勃

玄草參陳牛子蒼
升麻姜蚕共水煎

治時毒疫癘初覺增寒發熱肢體沉重次傳頭面作腫或咽喉不利舌乾口燥煩渴不寧者服

世與本

黃連

各二錢

人參

錢

陳

白去

玄參

生草

柴胡

桔 樹

錢炒各一
五外

連翹

牛蒡子一馬渤

板藍根

升麻

姜蚕各五分

水二鍾煎八分食後服如大便燥加酒煨大黃

一錢或二錢以利爲度腫勢甚者宜砭去惡血

通氣散

通氣散內用玄胡
川芎牙皂共爲末

羊躑躅花與藜蘆
燃於鼻內噴無危

治時毒焮腫疼痛咽喉不利語言不爽者用之

玄胡索

一錢五分

川芎

牙皂角

各五分

藜蘆

三分

羊躑躅花

二錢五分

爲細末用紙撚蘸藥少許絀于鼻內取嚏爲効

托裏消毒散

見腫瘍門

治時毒表裏俱解腫尚不退欲其作膿者服之

牛蒡子湯

牛蒡子湯用葛根江西豆豉同甘草

還將管仲共相呈煎嘗時毒可安寧

治時毒熱甚腫痛脉浮數而無力者宜服之

葛根

管仲

甘草

江西豆豉

牛蒡子

半生半熟研各二錢

水二鍾煎八分食後服

十全大補湯

見潰瘍門

治時毒潰後膿水清稀形容消瘦脾胃虛弱飲

食減少虛熱不睡自汗盜汗及不收斂者服之

時毒應用方

金黃散

見腫瘍門

黃連解毒湯

見疥瘡門

冰硼散

見咽喉門

升麻解毒湯

見楊梅瘡門

真君妙貼散

見腫瘍門

瘦癯論第二十三

夫人生瘦瘠之症非陰陽正氣結腫乃五臟瘀血濁
氣痰滯而成瘦者陽也色紅而高突或蒂小而下
垂瘠者陰也色白而漫腫亦無痒痛人所不覺薛
立齋分別甚詳肝統筋怒動肝火血燥筋攣曰筋
瘠心主血暴急太甚火旺逼血沸騰復被外邪所
搏而腫曰血瘠脾主肌肉鬱結傷脾肌肉消薄土
氣不行逆於肉裏而爲腫曰肉瘠肺主氣勞傷元
氣腠理不密外寒搏而爲腫曰氣瘠腎主骨恣慾

傷腎腎火鬱遏骨無榮養而爲腫曰骨瘤予曰筋
瘤者堅而色紫壘壘青筋盤曲甚者結若蚯蚓治
當清肝解鬱養血舒筋清肝蘆薈丸是也血瘤者
微紫微紅軟硬間雜皮膚隱隱纏若紅絲擦破血
流禁之不住治當養血涼血抑火滋陰安欽心神
調和血脉芩連二母丸是也肉瘤者軟若綿硬似
饅皮色不變不緊不寬終年只似覆肝然治當理
脾寬中疎通戊土開鬱行痰調理飲食加味歸脾

九是也氣癰者軟而不堅皮色如故或消或長無
熱無寒治當清肺氣調經脉理勞傷和榮衛通氣
散堅九是也骨癰者形色紫黑堅硬如石疔瘡高
起推之不移昂昂堅貼於骨治當補腎氣養血行
瘀散腫破堅利竅調元腎氣九是也此癰之五名
治癰之五法惟在此也又觀立齋云筋骨呈露曰
筋癰赤脉交結曰血癰皮色不變曰肉癰隨憂喜
消長曰氣癰堅硬不可移曰石癰此癰之五名也

通治癰瘤初起元氣實者海藻玉壺湯六軍丸久
而元氣虛者琥珀黑龍丹十全流氣飲選服此藥
自然縮小消磨切不可輕用針刀掘破出血不止
多致立危久則膿血崩潰滲漏不已終致傷人又
一種粉瘤紅粉色多生耳項前後亦有生於下體
者全是痰氣凝結而成宜披針破去脂粉以三品
一條鎗插入數次以淨內膜自愈又一種黑砂瘤
多生臂腿腫突大小不一以手擗起內有黑色是

也亦用針刺內出黑砂有聲軟硬不一又一種髮
癰多生耳後髮下寸許軟小高突按之不痛亦針
之粉髮齊出又一種蛔虫瘡生於脇下又一種疽
癰連生肩膊詳在後治驗中予觀古又有風瘡矣
但其形狀之異皆五臟溼熱邪火濁氣瘀血各感
而成此非正病也以上數瘡皆親手治驗非謬也
癰瘡看法

初起紅色光亮微熱微痛根脚浮淺不堅實者爲易

已成紅赤高腫作熱焮痛頂破皮穿膿潰腫消者易
已潰膿稠色鮮根脚縮小內肉漸生外皮漸緊者順
潰後氣體平和飲食如故腫消痛止口平收斂者順
初起肉色不變寒熱漸生根脚散漫時或陰痛者險
已成堅硬如石舉動牽強咳嗽生痰皮寒食少者逆
已潰無膿惟流血水腫不消痛不止脾氣衰弱者逆
破後血水不止腫硬更增敗腐不脫穢氣惡心者死

癰癰治法

初起自無表裏之症相兼但結成形者宜行散氣血
已成無痛無痒或軟或硬色白者痰聚也行痰順氣
已成色紅堅硬漸大微痒微疼者補腎氣活血散堅
形如茄蒂瘤大下垂者用藥點其蒂茄落生肌收斂
已破流膿不止瘡仍不消宜健脾胃爲主佐以化堅
已潰出血不常瘡口開泛者宜養血涼血佐以清肝
潰後癰腫漸消脾弱不能收斂者補腎氣兼助脾胃

癰瘡治驗

一男子臀瘡五年形如覆瓢按之隱隱黑色此黑粉瘡也以針破之按出黑砂兼黑粉共約碗許用三品一條鎗插入患內十餘日每次捺出黑膜其瘡漸消內服十全大補湯健脾胃養氣血月餘而斂

一男子腮上生瘡半年形若覆桃皮色不變按之微紅此粉瘤也針破之捺去脂粉插前藥半月而愈

一義烏兵士肩膊下連生小瘡五枚三月餘漸發痒異狀以手捫之內則嗡嗡攻動予視之內動果如

蝦鞠此必有異虫以針破其一枚先出紅水一匙
少頃攻出黑嘴粉紅虫一條形如蛆樣長六七分
又破一枚依然如是其人漸覺昏暈此泄氣之過
也餘瘤停止服補中益氣湯數劑外以膏蓋又五
六日患者方健漸漸破之仍以補藥十餘服而愈
一婦人併一女子耳後髮際下一寸各生一瘤半年
餘漸漸而大此乃粉瘤用針破之先出脂粉後出
頭髮數根長約二尺餘齊根剪斷出血微許俱用

插藥數日化出肉膜而愈以此觀之知有髮瘡也
一婦人腰間生一肉瘡三年餘方漸微痛一日潰後
出小蛔三條長約五寸置溫湯中遊動半時方息
其時患者形體衰弱面黃肌瘦口乾發熱朝以八
味丸午用人參養榮湯服至百日外元氣漸醒又
百日其口方收予意度之其蛔乃經絡氣血所化
一婦人氣沖穴生瘡紅紫堅硬乃血瘡也請視之心
肝二脉俱已洪數其患得之心氣鬱結肝氣受傷

之故辭不可治後請京師明公醫治其時頭已穿
潰鎰強投補托化堅涼血等劑日潰日爛終至不
應破經兩月一旦湧出紫血盆許隨即身亡後人
問曰何以致此予曰心脉洪數心火旺也肝脉弦
數肝氣傷也火旺逼血妄行肝氣傷不能藏血後
破之必出血不止多致危亡預辭不治者此意也

瘦癰主治方

清肝蘆薈丸

清肝蘆薈丸芎藭
海粉還兼甘州節

昆布青連皂地黃
清歸加土其成方

治惱怒傷肝致肝氣鬱結爲瘤其堅硬色紫壘
壘青筋結若蚯蚓遇喜則安遇怒則痛者服之

川芎

當歸

白芍

各二兩

生地

酒浸搗膏二兩

青皮

蘆薈

昆布

海粉

甘艸節

牙皂

黃連

各五錢

右爲末神麴糊爲丸如梧桐子大每服八十丸
白滾湯量病上下食前後服之

芩連二母丸

芩連二母丸芩黃生地與骨皮

熟地當歸羚羊角甘草栢葉同丸服

治心火妄動逼血沸騰外受寒涼結爲血瘤其
患微紫微紅軟硬間雜皮膚隱隱纏如紅絲皮
破血流禁之不住者宜服

黃連

黃芩

知母

貝母

川芎

當歸

白芍

生地

熟地

蒲黃

羚羊角

地骨皮

各等分

甘草

減半

右爲末側柏葉煎湯打寒食麪爲丸如桐子大

每服七十九燈心湯送下或作煎劑服之亦効

順氣歸脾丸

順氣歸脾湯貝母
棗仁遠志人參等

烏附芪陳朮茯苓
木香甘草合歡靈

治思慮傷脾致脾氣鬱結乃生肉瘤軟如綿腫
似慢脾氣虛弱日久漸大或微疼或不疼者服

陳皮

貝母

香附

烏藥

當歸

白朮

茯苓

黃芪

酸棗仁

遠志

人參

各一兩

木香

甘草

炙各
二錢

右爲末合歡樹根皮四兩煎湯煮老米糊丸如
桐子大每服六十丸食遠白滾湯送下

通氣散堅丸

通氣散堅丸半夏
香附結莖參海藻

陳貝芩歸粉草苓
南星枳實共黃芩

治憂鬱傷肺致氣濁而不清聚結爲癰色白不
赤軟而不堅由陰陽失度隨喜怒消長者宜服

陳皮

半夏

茯苓

北草

石菖蒲

枳實炒

人參

膽南星

天花粉

桔梗

川芎

當歸

蜈蚣去頭 蟬脫 蛭蜎 姜蠶炒去絲

儀明砂 穿山甲

以上等分爲細末神麴糊爲丸粟米大硃砂爲衣每服三分食遠酒下忌大葷煎炒日漸可消

枯癰方枯癰方用白朮、黃丹、輕粉、雄黃、餅乳香、沒藥、硃砂等。斑貓、田螺、米、粥調。

治癰初起成形未破者及根蒂小而不散者用

白朮 礪砂 黃丹 輕粉

雄黃 乳香 沒藥 硃砂各一錢

斑猫

二十個

田螺

大者去壳三枚晒乾切片

共研極細糯米粥調安捏作小棊子樣曝乾先

灸瘤頂三炷以藥餅貼之上用黃栢末水調蓋

敷藥餅候十日外其瘤自然枯落次用欵口藥

秘傳欵瘤膏

秘傳欵瘤膏血

輕粉龍骨海螵蛸

雞子熬油一處調

治癰瘤枯藥落後用此搽貼自然生肌完口

血

輕粉

龍骨

海螵蛸

象皮

乳香

各一錢

鷄蛋

十五枚煮熟用黃絲油一小鍾

以上各等細末共再研和入雞蛋油內攪勻每

日早晚甘草湯洗淨患上雞翎蘸塗膏藥蓋貼

琥珀黑龍丹

琥珀黑龍丹海帶南星血魴五靈脂
海藻木香併京墨麝香加上効堪隨

治五癰六瘡不論新久但未穿破者並宜服之

琥珀

兩一

血魴

兩二

京墨

五靈脂

炒

海帶

海藻

南星

姜汁拌炒
各五錢

木香

錢三

麝香

錢一

以上各為細末和勻再研煉蜜丸一錢重金箔

為衣晒乾密收每用一丸熱酒一杯量病上下

食前後化服如患在下部服後隨用美膳壓之

十全流氣飲

十全流氣飲陳皮
卡香烏藥芫歸芍

赤茯苓皮香附隨
甘草同煎効可奇

治憂鬱傷肝思慮傷脾致脾氣不行逆於肉裏

乃生氣瘦肉瘤皮色不變日久漸大宜服此藥

陳皮

赤茯苓

烏藥

川芎

當歸

白芍

各一錢

香附

八分

青皮

六分

甘草

五分

木香

三分

薑三片棗二枚水二鍾煎八分食遠服

瘦瘠應用方

三品一條鎗

見痔瘡門

人參養榮湯

見藥症門

補中益氣湯

八味丸

十全大補湯

俱見瘰癧潰瘍門

寒食麵

註末卷

肺癰論第二十四

夫肺癰者金受火刑之症也蓋肺為五臟華蓋其位至高其質至清內主乎氣中主聲音外司皮毛又

兼主乎貴賤壽夭金清而氣管深長者其音自清
其韻自高其聲自洪此三者主壽主貴亦主通達
如金濁而氣管短細者其音自焦其韻自低其聲
自小此三者主夭主賤亦主蹇滯故肺金獨旺於
秋者應其輕清之候也倘有所尅其癰自生致患
肺癰者先因感受風寒未經發越停蓄膈中初則
其候毛聳惡風咳嗽聲重胸膈隱痛項強不能轉
側者是其真候也久則鼻流清涕咳吐膿痰黃色

腥穢甚則胸脇脹滿呼吸不利飲食減少脉洪自汗法當清金甘桔湯主之麥冬清肺飲調之又久嗽勞傷咳吐痰血寒熱往來形體消削咯吐瘀膿聲啞咽痛其候傳爲肺痿如此者百死一生之病也治宜知母茯苓湯主之人參五味子湯調之又七情饑飽勞役損傷脾肺者麥冬平肺飲主之紫苑葶湯調之又有房慾勞傷丹石補藥消鑠腎水者宜腎氣丸主之金液戊土丹調之又勞力內

傷風响呼外寒侵入未經解散致生肺癰者初起脉浮微數胸熱氣麤寒熱往來咳嗽生痰者當以小青龍湯主之麥冬清肺飲調之通用金鯉湯蠟礬丸太乙膏相間服之亦効如手掌皮麤六脉洪數氣急額紅汚膿白血嘔噦澆水鼻煽不食飲食者俱爲不治此症以身涼脉細膿血交流痰色鮮明飲食知味膿血漸止者俱爲無妨及此則死

肺癰看法

初起脉浮虛細身體不熱咳嗽有痰呼吸調勻者順
已成脉浮微數咳吐膿痰形色鮮明語聲清朗者吉
潰後咯吐膿痰間吐鮮血時發時止飲食知味者順
吐膿漸漸稀少胸脇不疼面色微微帶黃便調多穢
初起脉洪弦數身熱多寒胸疼氣喘面紅多汗損壽
已成咯吐膿痰氣味澀臭黃痰如膠粘固唇反終亾
咯吐再兼白血氣急多煩指甲紫而帶灣終歸冥路
手掌反如枯樹面艷顴紅咽痛音如鴨聲鼻掀終死

肺癰治法

初起風寒相入頭疼惡寒咳嗽聲重者宜解散風邪
汗出惡風咳嗽氣急鼻塞項強胸膈隱痛實表清肺
日間多寒喜覆衣被夜間發熱多煩去被滋陰養肺
口乾喘滿咽嗽而渴咳嗽身熱脉弦數者降火抑陰
胸滿喘急咳吐膿痰身熱氣麤不得安臥平肺排膿
熱退身涼脉來短濇精神減少自汗盜汗補肺健脾

肺癰治驗

一義官仲冬時督工河道不常迎風呼喚致肺受傷
後發此症初起寒熱交作咳嗽聲重氣急生痰請
內醫治之越治越重後予視診其脉浮而數面光
而澤此肺癰也視其痰果有膿意相粘以桔梗湯
二服咳嗽稍止以排膿散四服其膿漸多惟胸膈
疼痛不減脉亦帶芤此胸中有瘀血也以四順散
加紅花牡丹皮二服吐出紫血碗許隨後膈痛漸
止又以金鯉湯兼人參五味子湯間服月餘而愈

一男子久嗽不已咳吐膿痰面白神勞胸中隱痛脰
之脉浮微數此屬肺氣不足火尚有餘以知母茯苓湯數服其膿漸少又以清金寧肺丸服之而愈
一男子因勞傷咳嗽不止至夜身熱尤甚日久咯吐
膿血脰之脉弦而數此虛火假症也先以童子小便日飲三四次又服紫苑茸湯數劑至夜身熱不
發又間服金鯉湯月餘而漸瘳此非童便之功而
陰火豈能得退嘗治瘡瘍虛熱不退者用此極効

一男子鬱鬱不遂意患嗽半年時或咳吐膿血且形體衰弱飲食減少脉亦微數聲漸將雌惟面不紅其病將成肺痿而尚可治以清金二母湯十餘服咳吐減半又以金鯉湯與人參五味子湯間服之又早飲人乳晚飲童便各一鍾調理百日外而安一男子生平好飲口乾作渴致肺壅熱成癰咳吐膿痰喘滿難卧以葶藶散二服而喘定易睡又以紫菀茸湯加乾葛天花粉十餘服而膿痰漸少早以

加減八味丸用清金寧肺丸間服之兩月而愈
一男子五十餘歲平素寵妾膏粱復生咳嗽發熱吐
痰腥臭視之手掌枯澀面隱微紅痰中白血脉亦
細微而數此肺癰所忌症也辭不治後醫強許其
生而用藥終至不應乃死人問曰何以致之予曰
手掌乾澀血枯土傷不能生其金也面色微紅相
火已動痰中白血正肺受傷脉細而數真氣虛敗
凡肺癰犯此豈有不死者乎以此言之後人乃服

肺癰主治方

麥冬平肺飲

麥冬平肺飲人參陳皮甘桔同成劑

赤芍栝榔赤茯苓肺癰咳嗽可回春

治肺癰初起咳嗽氣急胸中隱痛嘔吐膿痰者

人參

麥門冬

赤芍

栝榔

赤茯苓

陳皮

桔梗

各一錢五分

甘草

水二鍾煎八分食遠服

玄參清肺飲

玄參清肺飲柴陳麥冬骨皮意以仁

其桔槧參茯苓生薑童便可安寧

治肺癰咳吐膿痰胸膈脹滿上氣喘急發熱者

玄參

分八

銀柴胡

陳皮

桔梗

茯苓

地骨皮

麥門冬

各一錢

薏苡仁

錢二

人參

葶草

各五分

檳榔

分三

水二鍾薑一片煎八分臨入童便一杯食後服

寧肺桔梗湯

寧肺桔梗湯貝芪防已百合葶五味

歸萎枳殼草桑皮杏仁知母地骨皮

治肺癰胸膈隱痛兩脇腫滿口燥咽乾煩悶多

渴自汗盜汗眠臥不得時吐稠痰腥臭者服之

桔梗

貝母

當歸

瓜蒌仁

黃芪

枳壳

甘草節

桑白皮

防已

百合

苡仁

各八分

五味子

甜葶藶

地骨皮

知母

杏仁

各五分

水二鍾姜三片煎八分不拘時服咳甚加百合

身熱加柴胡黃芩大便秘不利加蜜炙大黃一錢

小便澀滯加燈心木通煩躁兼血加白茅根痛

甚加入參白芷

四順散

四順散尚有奇功
非草杏仁相協力

桔梗紫苑貝母同
肺癰喘嗽永無踪

治肺癰吐膿五心煩熱壅悶咳嗽氣急不能言

貝母

紫苑

桔梗

各一錢五分

甘草

杏仁

各七分

水二鍾煎八分食遠服或爲末白湯調服二錢

清金寧肺丸

清金寧肺貝母陳銀柴天麥芩連芍

參桔歸苓地骨苓五味白木生熟地

治肺癰咳嗽日久膿痰不盡身熱虛羸漸成勞

療者服之効

陳皮

茯苓

桔梗

貝母

人參

黃芩

各五錢

麥門冬

地骨皮

銀柴胡

川芎

白芍

胡黃連

各六錢

五味子

天門冬

生地

酒浸搗膏

熟地

搗膏

歸身

白朮

各一兩

甘草

三錢

右為細末煉蜜為丸如梧子大每服七十九食

遠白滾湯送下

人參五味湯

人參五味湯陳米桑皮柴胡地骨草

芪桔歸苓枳地黃肺痿虛乏可煎嘗

治氣血勞傷咳膿或咯血寒熱往來

羸瘦困乏一切虛損之症並効

人參 五味子 前胡 陳皮

白朮 桔梗 當歸 茯苓

熟地 甘草 各一錢 黃芪 地骨皮

桑白皮 枳殼 柴胡 各五分

水二鍾薑三片煎八分食後服

紫苑茸湯 紫苑茸湯參犀角 冬花桑葉草半夏 杏仁百合與阿膠 貝母蒲黃姜莫却

治膏粱厚味飲食過度或煎炒法酒致傷肺氣

哮喘咽乾吐痰唾血喘急脇痛不得安卧並服

紫苑茸

犀角

炙甘草

人參

各五分

桑藥

用經霜者

欬冬花

百合

杏仁

阿膠

貝母

半夏

蒲黃

生各七分

水二鍾薑三片煎八分入犀角末食後服

排膿散

排膿散內用黃芪
每服三錢案調下

白芷人參五味宜
肺癰痰吐効堪奇

治肺癰已吐膿後宜服此藥排膿穢補肺氣

黃芪

白芷

五味子

人參

各等分

右爲細末每服三錢食後蜜湯調服

知母茯苓湯

知母茯苓湯栝苓
柴牛冬花等白朮

薄荷五味草入參
阿膠麥冬仔細煮

治肺痿喘嗽咳吐痰涎或自汗盜汗往來寒熱

茯苓

黃芩

各一錢

知母

甘草

桔梗

薄荷

人參

五味子

柴胡

半夏

川芎

款冬花

白朮

阿膠

麥門冬

各六分

水二鍾薑三片煎八分加童便一杯食後溫服

滌痰湯

滌痰湯內二陳先麥冬世寶驗星前
人參桔梗黃連煎新茹加上燕安然

治心火尅肺金久而不愈傳為肺痿咽盛難啞
胸膈痞悶嘔吐痰涎喘急難臥者並服之

陳皮

半夏

茯苓

甘草

麥門冬

胆南星

枳實

黃連

人參

桔梗

各五分

竹茹

一錢

水二鍾煎八分食後服

寧肺丸

寧肺丸中二般藥
每服二錢功有靈

烏梅桑壳去筋膜
肺癰肺痿同堪

治久嗽咯吐膿血胸膈不利咳嗽痰盛坐卧不安言語不出甚則聲音啞嗑者服之

烏梅

蜜拌蒸取肉八錢搗膏

鶯粟殼

去膜蜜拌炒為末一兩

用烏梅膏加生蜜少許調作丸每服二錢烏梅湯不拘時下

清金二母湯

清金二母湯芫荽五味陳皮麥

知母蘇葉杏仁杏苓

治肺痿多嗽少痰午後發熱口乾煩躁不寧者

知母

貝母

桔梗

茯苓

當歸

白朮

陳皮

各一錢

桑皮

紫蘇

杏仁

柴胡

瓜蒌仁

黃芩

五味子

甘草

麥門冬

五分

水二鍾煎八分入童便一杯食後服

梔子仁湯

梔子仁湯大青藥
杏仁知母赤芍藥

石膏淡豉其黃芩
升麻柴胡甘草行

治肺痿發熱潮熱或發狂亂煩躁面赤咽痛者

梔子仁

赤芍藥

大青藥

知母

各七分

黃芩

石膏

杏仁

升麻

各一錢五分

柴胡

分六

甘草

分五

淡豆豉

百粒

水二鍾煎八分食遠服

加味理中湯

加味理中湯半夏乾姜細辛併甘草

茯苓白朮共陳皮人參五味効同推

治肺胃俱虛咳嗽聲重發熱不已又兼脉浮數

而無力者服之

炙甘草

半夏

茯苓

乾姜

泡

白朮

陳皮

細辛

五味子

人參

各五分

水二鍾煎八分食遠服

金鯉湯

金鯉湯中効罕稀獨將貝母効並涼
童子小便重湯頓肺癰痰咳最堪醫

治肺癰已成未成胸中隱痛咯吐膿血者服之

金色活鯉魚

一尾約四兩重貝母一錢

先將鯉魚連鱗剖去肚腸勿經水氣用貝母細末摻在魚肚內線扎之用上白童子小便半大碗將魚浸童便內重湯頓煮魚眼突出為度少頃取起去鱗骨取淨魚肉浸入童便內頓熱肉

與童便作二三次一日食盡一枚其功效甚捷

葶藶散

葶藶散中薏苡仁 甘草桑皮用葛根 瓜蒌升麻桔梗等 肺癰服下可回春

治過食炙燔或飲酒過度致肺熱氣壅喘急不
卧及肺癰濁吐腥臭胸膈脹滿不食者並服之

甜葶藶 桔梗 瓜蒌仁 川升麻

薏苡仁 桑白皮 葛根各一錢 炙甘草五分

水二鍾姜三片煎八分食後服

腎氣丸

原缺